


DS  
735  
A2Y86.  
177/a  
v. 38









御批歷代通鑑輯覽卷之七十五

宋

仁宗皇帝

壬午慶歷二年春正月復權鹽法

自元昊反軍興用度不足因聽並邊入中芻粟予券趨

京師權貨務

宋初京城置權貨務後但給金銀交鈔往還而不積茶貨

受錢若金銀

入中他貨予券償以池鹽由是羽毛筋角膠漆鐵炭瓦

木之類一切以鹽易之猾商貪吏表裏爲姦

至入椽木二估錢千

給鹽二百二十斤

鹽直益賤販者不行至是詔凡商人虛估受

券及已受鹽未鬻者皆計直輸虧官錢內地州軍民間

鹽悉收市入官官爲置場增價出之復禁永興等十一



州軍商鹽官自輦運以衙前民之充役者主官物制見前主之又禁

商鹽私入蜀置折博務于永興鳳翔聽人入錢若蜀貨

易鹽趨蜀中以售已而東南未鹽悉復禁榷

二月置義勇軍

詔選河北諸州彊壯者為軍刺手背為義勇字各營于

其州給以俸廩分番訓練不願者釋之尋又刺陝西秦

鳳路義勇為保捷軍

三月詔舉將才

契丹來求關南地夏四月遣知制誥富弼報之

契丹主有南侵意會元昊反欲乘釁取瓦橋以南十縣

地乃集羣臣議南院遼官制分北南院曰北南面面北面主宮帳部族屬國之政南面主



弼爲接伴使能令特默矍然起敬且盡得其隱情小試之而已效報聘之選誠無出其右者夷簡之薦爲得人于國事自有裨益史稱夷簡不悅弼因薦之而歐陽修爲之乞留是徒以弼之夷險爲要而置使命之得人與否于不論豈真

漢人州縣租賦軍馬之政。樞密使蕭惠曰。宋人西征有年。師老民疲。陛下親帥六軍臨之。其勝必矣。北院樞密使蕭孝穆曰。我先朝與宋和好。無罪伐之。其曲在我。况勝未可逆料。願熟察之。契丹主從惠言。遣南院宣徽使蕭特默。國舅大父房之後。舊作翰林學士劉六符。河間人。唐節度使。怱之後。來致書。取故地。及問興師伐夏。并沿邊疏濬水澤。增益兵戍之故。特默至。呂夷簡奏弼爲接伴使。與中使迎勞之。特默托疾不拜。弼曰。吾嘗使北。病卧車中。聞命輒起。今中使至而子不拜。何也。特默等矍然起拜。弼開懷與語。特默感說。亦不復隱其情。密以其主所欲得者告。且曰。可從從之。不然。以一事塞之。弼具以聞。帝惟許增歲幣。或以宗



忠于國家之見哉

室女嫁其子。且令夷簡擇報聘者。夷簡不悅弼。因薦之。集賢校理歐陽修引顏真卿使李希烈事。請留之。不報。弼得命。卽入對。叩頭曰。主憂臣辱。臣不敢愛其死。帝爲動色。進弼樞密直學士。弼辭曰。國家有急。義不憚勞。柰何逆以官爵賂之。遂往。

五月。以大名府爲北京。

契丹聚兵幽薊。聲言南下。朝議請城洛陽。呂夷簡曰。此子囊城郢計也。事見左傳。使契丹得渡河。雖高城深池。何可

恃耶。我聞契丹畏壯侮怯。景德之役。非乘輿濟河。則未易服也。宜建都大名。示將親征。以伐其謀。帝從之。建大名爲北京。卽真宗駐蹕之所。城焉。識者韙之。



六月。以王德用判定州。

以契丹兵壓境。詔德用判定州。兼三路都部署。德用時教士卒習戰。頃之。士勇皆可用。契丹遣人來覘。或請捕之。德用曰。彼得其實以告。是服人之兵以不戰也。明日。大閱于郊。下令具糗糧。聽吾鼓。視吾旗所向。覘者歸告虜中。謂漢兵將大至。和議益決。

秋七月。以呂夷簡。章得象兼樞密使。

初。富弼建議。宰相兼樞密使。帝曰。軍國之務。當悉歸中書。樞密非古官。然未欲遽廢。故止令中書同議樞密院事。及是。知諫院張方平請廢樞密院。帝乃追用弼議。命夷簡得象判樞密事。議者以判名太重。夷簡亦不敢當。



後魏書卷之十一  
遂改兼樞密使。

富弼還。復如契丹。

弼至契丹。見契丹主言曰。兩朝人主。父子繼好。垂四十年。一旦求割地。何也。契丹主曰。南朝違約。塞鴈門。增塘水。治城隍。籍民兵。將以何爲。羣臣請舉兵而南。吾謂不若遣使求地。求而不獲。舉兵未晚。弼曰。北朝忘章聖皇帝之大德乎。澶淵之役。苟從諸將言。北兵無得脫者。且北朝與中國通好。則人主專其利。而臣下無所獲。若用兵。則利歸臣下。而人主受其禍。故勸用兵者。皆爲身謀爾。契丹主驚曰。何謂也。弼曰。晉高祖欺天叛君。末帝昏亂。土宇狹小。上下離叛。故契丹全師獨克。然鹵獲金幣。



充牣諸臣之家。而壯士健馬。物故大半。今中國提封萬里。精兵百萬。法令修明。上下一心。北朝欲用兵。能保其必勝乎。就使其勝。所亡士馬。羣臣當之歟。抑人主當之歟。若通好不絕。歲幣盡歸人主。羣臣何利焉。契丹主大悟。首肯者久之。弼又曰。塞鴈門者。備元昊也。塘水始于何承矩。事在通好前。城隍皆修舊。民兵亦補闕。非違約也。契丹主曰。微卿言。吾不知其詳。雖然。吾祖宗故地。當見還也。弼曰。晉以盧龍賂契丹。周世宗復取關南地。皆異代事。若各求地。豈北朝之利哉。旣退。劉六符曰。吾主恥受金幣。堅欲十縣。何如。弼曰。本朝皇帝嘗言。爲祖宗守國。豈敢妄以土地與人。北朝所欲。不過租賦爾。朕不



忍多殺兩朝赤子。故屈已增幣以代之。若必欲得地。是志在敗盟。假此爲辭爾。澶淵之盟。天地鬼神實臨之。北朝首發兵端。過不在我。天地鬼神。其可欺乎。六符謂其介曰。南朝皇帝存心如此。大善。當共奏使兩主意通。明日。契丹主召弼同獵。引弼馬自近。謂曰。得地則歡好可久。弼反覆陳其不可狀。且言北朝旣以得地爲榮。南朝必以失地爲辱。兄弟之國。豈可一榮一辱哉。獵罷。六符曰。吾主聞公榮辱之言。意甚感悟。今惟有結昏可議爾。弼曰。結昏易生嫌隙。本朝長公主出降。齎送不過十萬緡。豈若歲幣無窮之利哉。契丹主諭弼使還。曰。俟卿再至。當擇一事受之。卿其遂以誓書來。弼還。具以白帝。帝



弼使命北朝乃邊圉重計所係設書詞與口傳異其爲害于使臣者尚小而貽誤于國事者實大幸而弼中途啓視得以不墮和議否則傾事矣政府承撰制書量容或有訛舛卽過出無心尚且不可況意存傾陷私嫌以敗公事乎獨怪仁宗遣使外邦國書旣全不寓目及弼馳還入奏又任晏殊謾詞掩飾不加究詰當時政治尚可問耶

復使弼持和親增幣二議及誓書往契丹且命受口傳之詞于政府旣行次樂壽謂副使張茂實曰吾爲使而不見國書脫書詞與口傳異吾事敗矣啓視果不同馳還都以晡時入見曰政府故爲此以陷臣臣死不足惜如國事何帝以問晏殊殊曰呂夷簡決不爲此誠恐誤爾弼曰晏殊姦邪黨夷簡以欺陛下遂易書而行

九月暨契丹平

弼至契丹不復議婚專欲增幣且曰南朝旣增我歲幣其遺我之辭當曰獻弼曰南朝爲兄豈有兄獻于弟乎契丹主曰然則爲納字弼曰亦不可契丹主曰南朝旣以厚幣遺我是懼我矣于一字何有若我擁兵而南得



貢獻義同納亦貢獻之謂  
富弼爭執再三稍有丈夫  
氣而此時宰相畏懦務為  
苟安仁宗又急圖了事遂  
至名實俱虧積弱之勢既  
成益見其慷慨不振誠可  
笑耳

無悔乎。弼曰。本朝兼愛南北之民。故屈已增幣。何名為  
懼。或不得已而用兵。則當以曲直為勝負。非使臣之所  
知也。契丹主曰。卿勿固執。古有之矣。弼曰。自古惟唐高  
祖借兵突厥。當時贈遺。或稱獻納。然後頡利為太宗所  
擒。豈復有此禮哉。聲色俱厲。契丹主知不可奪。乃曰。吾  
當自遣人議之。乃留增幣誓書。而使其北院樞密副使  
耶律仁先。字濟蘭孟父房之後及劉六符持誓書與弼偕來。且議  
獻納二字。弼至。入對曰。二字臣以死拒之。虜氣折矣。可  
勿許也。帝用晏殊議。竟以納字許之。于是歲增銀絹各  
十萬匹兩。送至白溝。仍遣知制誥梁適。字仲賢東平人持誓書  
與仁先如契丹報之。契丹亦遣使再致誓書。來報撤兵。



自是通好如故。

按濟蘭舊作  
糾鄰今改

閏月元昊寇鎮戎軍副總管葛懷敏

真定人

會兵禦之敗死。

元昊遂大掠渭州。

元昊入寇攻鎮戎軍。先是知延州龐籍言夏境鼠食稼。

且旱元昊思納款詔命知保安軍劉拯諭元昊親信野

利綱哩拉。

即野利旺榮舊作  
作剛浪陵今改

雅奇。

舊作遇  
乞今改

兄弟令內附即

界西平爵土綱哩拉令拉默特。

舊作浪  
埋今改

薩勒奇。

舊作賞  
乞今改

瑪尼。

舊作媚  
娘今改

三人詣种世衡乞降。

世衡知其詐曰與其  
殺之不若因以爲間

留使監稅出  
入騎從甚寵

又遣其教練使李文貴至青澗報世衡言

用兵以來資用困乏人情便于和世衡以白籍籍曰此

詐也乃屯兵青澗留文貴不遣至是元昊果大入王沿



使葛懷敏督諸砦兵禦之。分諸將為四路，趨定川砦。

在固

原州。賊毀橋，斷其歸路，四面圍之。懷敏突圍走，由是大

潰。懷敏馳至長城。

在固原州西北，與隆德縣接界，秦時故址也。

濠路已斷，遂

及將校十四人死焉。餘軍馬皆為敵所得。元昊乘勝直

抵渭州，焚蕩廬舍，屠掠民畜，自涇州以東皆閉壘自守。

范仲淹自將慶州，蕃漢兵援之。元昊乃還。

議者欲以金繒啖契丹，使

攻元昊，命御史中丞賈昌朝往使。昌朝力辭，使命且上

疏曰：太祖收方鎮之權，以為萬世利。及太宗時，將帥率

多舊人，猶能仗威靈，所向有功。近歲因西羌之叛，驟擇

將領，而士不練習，以屢易之將，馭不練之士，故戰則必

敗。此削方鎮太過之弊也。況今武臣多親舊恩倖，出即

為將，素不習兵，一旦付與千萬人之命，是驅之死地矣。

此用親舊恩倖之弊也。請自今方鎮守臣，無數更易，刺

史以上，宜慎所授，以待有功。且命將之時，去疑貳，推恩

惠，務責以大效，使一切便宜從事，庶得馭將之道。帝嘉納之。

昌朝力辭，使命視聽之奉，使適行賢，不肖相去不可，以道里計，即其所陳諸弊，亦不過藉紙上空談，以飾其規避之迹。仁宗乃嘉其之所為，與昌后對昌頤同軌，史臣方稱其美德，吁可怪哉。



冬十一月。以韓琦范仲淹龐籍爲陝西安撫經畧招討使。置司涇州。

初。翰林學士王堯臣

字伯庸。虞城人。

體量安撫陝西歸。上疏論

兵。因言韓琦范仲淹皆忠義智勇。不當置之散地。及葛

懷敏敗死。中外震懼。帝思堯臣之言。時已命文彥博經

畧涇原。帝以涇原傷夷。欲對徙仲淹使王懷德

繼忠子。諭

之。仲淹附奏。乞與韓琦同經畧涇原。並駐涇州。琦兼秦

鳳臣兼環慶。涇原有警。臣與琦合秦鳳環慶之兵。犄角

而進。若秦鳳環慶有警。亦可率涇原之師爲援。臣當與

琦練兵選將。漸復橫山。以斷賊臂。不數年間。可期平定。

願詔龐籍兼領環慶。以成首尾之勢。秦州委文彥博。慶



州用滕宗諒總之。渭州一武臣足矣。帝採用其策。乃復置陝西路經畧安撫招討使。總四路之事。置府涇州。益屯兵三萬。以琦、仲淹籍分領之。復以堯臣為體量安撫使。徙彥博帥秦。宗諒帥慶。張亢帥渭州。堯臣復言。琦等既為總使。則四路當稟節制。不當復帶使名。各置司行事。使所稟不一。于是諸路並罷經畧使。琦與仲淹在兵間久。名重一時。人心歸之。朝廷倚以為重。二人號令嚴明。愛撫士卒。諸羌來者。推誠撫接。咸感恩畏威。不敢輕犯邊境。邊人為之謠曰。軍中有一韓。西賊聞之心膽寒。軍中有一范。西賊聞之驚破膽。

徵處士孫復

字明復。晉州平陽人。

為國子監直講。

復舉進士不第。退居泰山。著春秋尊王發微十二篇。國子直講石介嘗師事之。語人曰。孫先生非隱者也。于是



范仲淹富弼皆言復有經術宜在朝廷故召用之

以富弼爲翰林學士辭不拜

弼始受命使契丹聞一女卒再往聞一男生皆不顧得家書未嘗發輒焚之曰徒亂人意于是帝復申樞密直學士之命弼辭又除翰林學士弼懇辭曰增歲幣非臣本意特以方討元昊未暇與角故不敢以死爭安敢受賞乎

癸未三年春正月元昊上書請和

元昊雖數勝然死亡創夷相半人困黠集財力不給國

中爲十不如之謠以怨之种世衡又以計遣王嵩

本僧人王

光信世衡奏補三班借職更名嵩遺書問其大將野利綱哩拉雅奇兄



弟皆得罪。

綱哩拉雅奇皆有才謀號大王親信用事世衡謀間之乃為蠟書遣嵩遺綱哩拉言朝廷

知王有向漢心已授夏州節度并以棗繆書龜喻其早

歸之意綱哩拉得書笑曰神使君長矣何為此兒戲乃

執嵩以書自詣元昊上之元昊果疑綱哩拉不令歸而

綱嵩奔中遣人詐為綱哩拉使使世衡世衡知其為元

昊所遣故為欸語而厚遣之使還元昊出嵩奔中而綱

哩拉已報死矣世衡知其謀已行復為文以祭綱哩拉

悼其兄弟有意本朝垂成而失投之境上元昊既失二

夏人得之以獻元昊雅奇以此亦并獲罪

將久之知為世衡所賣遂定講和之策時帝亦以西鄙

用兵日久心厭之會契丹使言元昊欲歸欵乃密詔龐

籍招納之籍遣李文貴還以通意元昊聞之大喜厚禮

王嵩使與文貴以書至延州議和

續綱目作文貴以綱哩拉書議和考宋史

種世衡傳元昊得王嵩書遣李文貴以綱哩拉書議和

衡而夏國傳文貴于元昊未寇鎮戎之前已為龐籍所

留二傳前後矛盾續綱目採

錄殊混今依宋元通鑑

然猶僣彊不肯削僭號且



元昊稱男而不稱臣其不肯服事之心迹已露龐籍奉命議和即當執名分大義為之開導如其不悟則移兵致討以伸國威可耳至烏珠乃酋長之稱與吾祖字義了無干涉顧據內地嫌音與之爭較非惟為西賊所贗實貽千古笑資其後當彌所論最為得體蔡襄猶不免泥于庸俗之見也

云如日方中止可順天西行安可逆天東下籍以其言未服乃令自請而詔籍復書許之元昊知朝廷許和有緒乃遣其六宅使賀從勗與文貴至延州上書自稱男邦泥鼎國烏珠舊作泥定國元卒今改正上書父大宋皇帝更名曩霄而不稱臣烏珠即吾祖也如可汗號籍言名體未正不敢以聞從勗曰子事父猶臣事君也若得至京師天子不許更歸議之籍送使者闕下因陳便宜言羌久不通和市國人愁怨今辭理浸順必有改事中國之心請遣使諭之

二月立四門學

三月以呂夷簡為司徒同議軍國大事

先是夷簡感風眩詔拜司空平章軍國大事疾稍愈命



數日一至中書裁決可否。夷簡力辭。帝降手詔曰。古謂  
髭可療疾。今剪以賜卿。至是。帝御延和殿。召見。敕乘馬  
至殿門。命內侍取兀子。坐具有倚曰輿。無倚曰兀。輿昇也。以前夷簡  
辭避久之。詔給扶毋拜。乃罷相。改授司徒。同議軍國大  
事。

以晏殊同平章事。兼樞密使。賈昌朝參知政事。富弼爲樞  
密副使。弼固辭不拜。

弼見帝言契丹旣結好。議者便謂無事。萬一敗盟。臣死  
且有罪。願陛下思其輕侮之恥。坐薪嘗膽。不忘修政。且  
收臣新命。使天下知使臣不受賞。和好未可保。其于守  
備。決不敢懈。帝察其意堅。改授資政殿學士。



召夏竦為樞密使。

以歐陽修主素

字仲儀旦子

蔡襄知諫院。余靖為右正言。

增置諫官。以修等為之。襄喜賢路開而慮正人難久立。乃上疏曰。修等忠誠剛正。必能盡言。但恐邪人不利。必造為禦之之說。其說不過有三。曰好名。好進。彰君過爾。願陛下察之。修每入對。帝必延問執政。咨所宜行。既多所張弛。小人翕翕不便。修慮善人必不勝。數為帝分別言之。初范仲淹貶饒州。修及尹洙。余靖皆以直仲淹見逐。羣邪目之曰黨人。于是朋黨之論起。修論事切直。人視之如仇。帝獨獎其敢言。顧侍臣曰。如歐陽修者何處得來。

夏四月遣使如夏州。

賀從勗至京。帝用龐籍言。命著作佐郎邵良佐更往議。



之許封冊元昊爲夏國主。歲賜絹十萬匹。茶三萬斤。富弼言。元昊臣契丹而不臣我朝。則是契丹爲無敵于天下矣。須令稱臣。乃可許和。蔡襄亦言。烏珠之譯爲吾祖。特以侮慢朝廷。使朝廷賜之詔。而亦曰吾祖。是何等語耶。不可許其請。帝皆不聽。良佐至夏州。元昊亦遣儒定裕舍。舊作如定。幸捨。今改。張延壽等來議和。及歲幣。以韓琦。范仲淹爲樞密副使。

以元昊請和。故召還。命知永興軍鄭戢代之。富弼言。西寇未殄。亦須藉材。若二人俱來。或恐闕事。願召一人使處于內。一人就授副樞。且令在邊。表裏相濟。事無不集。不聽。時元昊倚契丹。邀索無厭。晏殊等厭用兵。將一切從之。琦力陳其不便。帝嘉納之。



夏竦至京師。罷之。以杜衍爲樞密使。

初召竦。諫官歐陽修、蔡襄等交章論竦在陝西畏懦不

肯盡力。兼之挾詐任數。姦邪傾險。陛下孜孜政事。首用

懷詐不忠之臣。何以求治。中丞王拱辰

字君貺。開封咸平人。

亦因

對極論之。帝未省。遽起拱辰前引裾舉其說。帝乃悟。會

竦已至國門。言者論益力。乞毋令入見。右正言余靖言。

竦累表引疾。及聞召命。卽兼驛而馳。若不早決。竦必堅

求面對。敘恩感泣。復有左右爲之地者。則聖聽惑矣。章

累上。卽日詔竦歸鎮。拜杜衍爲樞密使。竦亦自請還節

鉞。徙知亳州。竦至亳。上書萬言自辨。乃徙判并州。

蔡襄言于

帝曰。陛下罷竦而用琦。仲淹。士大夫賀于朝。庶民歌于

路。至飲酒叫號。以爲歡。且退一邪。進一賢。豈能關天下



輕重哉。蓋一邪退。則其類退。一賢進。則其類進。衆邪並退。衆賢並進。海內有不泰乎。雖然。臣竊憂之。天下之勢。譬猶病者。陛下旣得良醫矣。信任不疑。非徒愈病。而又壽民。醫雖良。術不能盡用。則病且日深。雖有和扁。難責效矣。國子監直講石介。篤學尚志。樂善嫉惡。喜聲名。遇事奮然。敢爲。會呂夷簡罷相。章得象。晏殊。賈昌朝。韓琦。范仲淹。富弼。同時執政。而歐陽修。蔡襄。王素。余靖。並爲諫官。夏竦旣拜。復奪之。以衍代。因大喜曰。此盛事也。歌頌吾職。其可已乎。作慶歷聖德詩。有曰。衆賢之進。如茅斯拔。大姦之去。如距斯脫。其言大姦。蓋斥竦也。詩且出。孫復聞之曰。介禍始于此矣。范仲淹亦謂韓琦曰。爲此鬼怪輩壞事也。

自正月不雨。至于是月。帝禱于西太乙宮。是日雨。

京師久旱。遣使祠禱嶽瀆。羣臣請帝親禱于郊。帝曰。太史言月二日當雨。今將以旦日出禱。王素曰。臣非太史。然度是日必不雨。帝問其故。素對曰。陛下知其且雨而禱之。應天不以誠故也。帝竦然。詔明日詣西太乙宮。諫



官故不在屬車間。時命素扈從。日甚熾。埃氛翳空。比車  
駕還。未薄城。天大雷電而雨。

### 呂夷簡罷

先是陝西轉運使孫沔上書言。自夷簡當國。黜忠言。廢  
直道。以姑息爲安。以避謗爲智。柔而易制者。升爲心腹。  
姦而可使者。保爲羽翼。是張禹不獨生于漢。而李林甫  
復見于今也。書上。帝不之罪。夷簡見書。謂人曰。元規藥  
石之言。但恨聞此遲十年爾。至是蔡襄復言。夷簡被病  
以來。兩府大臣並笏受事于門。貪尚權勢。病不知止。乃  
罷同議軍國大事。未幾以太尉致仕。

### 五月丁卯朔日食



秋七月。王舉正罷。八月。范仲淹參知政事。富弼爲樞密副使。

歐陽修。余靖。論舉正懦默。不任事。范仲淹有相才。請罷舉正。而用仲淹。帝然之。舉正遂罷。拜仲淹參知政事。仲淹曰。執政可由諫官而得乎。固辭不拜。願與韓琦出行邊。命爲陝西宣撫使。未行。復除參知政事。同日。復以樞副命弼。弼猶固辭。帝命宰相諭曰。此朝廷特用。非以使遼故也。時元昊使辭。帝至紫宸殿。俟弼綴樞密班。乃坐。弼不得已。受命。帝方銳意太平。責成輔相。令弼主北事。仲淹主西事。

仲淹語人曰。上用我至矣。事有先後。久安之弊。非朝夕可革也。帝再賜手詔。又爲之開天章閣。召輔臣條對。仲淹退。而上十事曰。明黜陟。抑僥倖。精貢舉。擇長官。均公田。厚農桑。修武備。推恩信。重



命令減徭役。悉采用之。宜著令者。皆以詔書畫一頒下。惟府兵法。衆以爲不可而止。弼上當世之務十餘條。及安邊十三策。大約以進賢退不肖。止僥倖。去宿弊。欲漸易監司之不才者。使澄汰所部吏。于是小人始不悅矣。以韓琦爲陝西宣撫使。

時二府合班奏事。琦必盡言。雖事屬中書。亦指陳其實。

同列或不悅。帝獨識之曰。韓琦性直。琦嘗條所宜先行。

者七事。曰清政本。念邊計。擢材器。備河北。固河東。收民心。營洛邑。繼又陳救弊八事。

曰選將帥。明按察。豐財利。遏僥倖。謂數者之舉。謗必隨進能吏。退不才。謹入官。去冗食。

之願。委計輔臣。聽其注措。帝嘉納之。遂命宣撫陝西。琦

討平羣盜張海。郭邈山等。汰禁卒羸老不任用者。修鄜

延城障。賑河中。同華。諸州饑民。所活百餘萬人。

冬十月。以張昷之。字景山。秘之子。王素等爲都轉運按察使。



朱墨標識賢否瞭然其于  
考核誠便然亦按察之人  
果皆廉明稱職方無枉徇  
否則倒置混淆其弊更有  
不可究詰者且以歲計上  
聞一年之中安保公廉者  
之必不收絀易轍而中材  
者之必無奮勉自效者乎  
至逐路遞擇州縣進退自  
由久之將敢黨援阿附之  
習尤非良法

先是知諫院歐陽修言天下官吏既多朝廷無由遍知  
乞立按察之法于內外朝官三丞郎官中選彊幹廉明  
者爲之使至州縣遍見官吏其公廉無狀皆以朱書于  
名之下其中材之人以墨書之歲具以聞詔從之富弼  
范仲淹復請詔中書樞密通選逐路轉運按察使卽委  
使自擇知州知州擇知縣不任事者皆罷之于是晁之  
等首被茲選晁之河北王素淮南沈邈字子山信州弋陽人京東  
施昌言字正臣通州靜海人河東李絢字公素邛州依政人京西范仲淹之選監司也  
取班簿視不才者一筆勾之弼曰一筆勾之甚易焉知  
一家哭矣仲淹曰一家哭何如一路哭耶遂悉罷之  
更定磨勘法

初太祖以舊制文武常參官各以曹務閑劇爲月限考



滿卽選非循名責實之道乃罷之淳化中置審官院具事

前復序進之制其後立法文臣五年武臣七年無賊私

罪始得遷秩曾犯賊罪則文臣七年武臣十年中書樞

密取旨其七階選人宋史選舉志選人官七等一日留

使防團判官三日軍事判官留守節察推官四日防團

軍事推官軍監判官五日縣令錄事參軍六日試銜縣

令知錄事七日軍巡判官以考第資歷無過犯或有勞

司理司戶司法參軍簿尉績者遞遷謂之循資至是用范仲淹言定磨勘保任之

法自朝官至郎中少卿須清望官五人保任始得遷朝

三年無私罪而有監司及清望官五人爲保任遷員外

郎舉者數不足增二年遷郎中少卿監亦如之遷太卿

監諫議其法始密于舊矣後知諫院劉元瑜以爲徒長

悉聽旨劉元瑜字君奔競非所以養廉耻罷之

三載考績朝廷激揚大綱  
自當通核其才品及三年  
中之實蹟若何以定黜陟  
若視保任爲權衡轉遷一  
時之毀譽妄見清望官之  
必可盡信乎元瑜所云徒  
長奔競而非養廉恥誠爲



確論政體自有常經不在  
多立科條也

十一月更立蔭子法

太祖初立任子之法。臺省六品。諸司五品。登朝嘗歷兩

任。然後得請。太宗卽位。諸州進奏者。授以試衛及三班

職。尋特定選人七等。卽上七階。凡誕聖節及三年南郊。皆聽

奏一人。而特恩不預焉。由是奏薦之恩寔廣。至是。范仲

淹富弼始裁省奏補入仕之路。罷聖節奏蔭恩。凡長子

不限年。諸子孫必年過十五。弟姪年過十二。乃得蔭。由

是任子之恩殺矣。

十二月河北雨赤雪河東地震

諫官孫甫字之翰。許州陽翟人。上疏言。赤雪者。赤霄也。人君舒緩

之應。地震者。陰盛也。陰之象。爲臣爲後宮爲戎狄。盛則



陰變而動矣。天地災變。固無虛應。陛下救舒緩之失。莫若自主威福。時出英斷。以懼姦邪。救陰盛之變。莫若外謹戎備。內制後宮。此應天之實也。

甲申四年春正月。帝復御經筵。

自元昊反。罷進講。崇政殿說書趙師民

字周翰。臨淄人。

言。帝王

藉說書以希進見。不知崇政一御。其爲論思納誨幾何。固不若每日延見羣臣。咨詢得失之實。裨益也。故明末李請御經筵者。連章累牘。及至接見。又復無所建白。則又效尤師民而浸成習套矣。

治經。與品庶異。不獨玩空文。占古語也。今方外小有事。臣等卽不復進見。是以爲先王遺籍。可以講無事之朝。不足贊有爲之世。臣愚以爲過矣。又獻勸講箴。帝嘉納之。于是復命曾公亮

字明仲。泉州晉江人。

等講讀經史。嘗謂公亮

等曰。卿等宿儒博學。多所發明。朕雖盛暑。亦未嘗倦。但

恐卿等勞爾。



御批歷代通鑑輯覽卷之二十三

荆王元儼太宗第八子

元儼廣穎豐頤嚴毅不可犯天下崇憚之名聞外夷呼

為八大王遼人入使必問王安及所在莊獻臨朝自以

屬尊望重恐為太后所忌深自沉晦既有疾帝親視之

屏人與語所對皆忠言至是卒有司以年歲不利財用方因請緩葬期范仲淹

言荆王太宗愛子真宗愛弟屢被讒惑陛下仁聖力能保全豈忍送葬之際惜財利而廢典禮請賜內藏庫金帛備葬事

帝從之

三月詔天下州縣立學行科舉新法

時范仲淹意欲復古勸學數言興學校本行實詔近臣

議于是宋祁等奏教不本于學校士不察于鄉里則不

能覈名實有司束以聲病學者專于記誦則不足盡人



材。今莫若教士于學校。然後州縣察其履行。則學者修飭矣。先策論。則文詞者留心于治亂矣。簡程式。則閱博者得以馳騁。問大義。則執經者不專于記誦。帝從之。乃詔天下州縣皆立學。本道使者。選部屬官爲教授。員不足。取于鄉里宿學有道業者。士須在學三百日。乃聽預秋試。舊嘗充試者。百日而止。試于州者。令相保任。有匿服犯刑。虧行。冒名等禁。三場先策。次論。次詩賦。通考爲去取。而罷帖經墨義。士通經術。願對大義者。試十道。

宜州

唐置。今廣西慶遠府是。

蠻區希範

思恩人。

作亂。詔廣西鈐轄

宋諸路置。

總管鈐轄司。掌軍馬守禦事。重臣則加都字。討之。

希範嘗舉進士。後與其叔正辭。應募討安化州。

本撫水州。祥符



中改名。故城在今。叛蠻自言其功。求錄用。知宜州馮伸

慶遠府思恩縣。已字齊賢以為妄。編管全州。五季馬氏置。今屬桂林府。希範遁歸。與

正辭舉其族作亂。推白崖山。即崖山。本唐縣。宋廢為蠻獠所據。酋蒙趕

為帝。偽立名號。破環州。宋羈縻州。故城在今思恩縣。及鎮寧州。亦宋羈縻

州。在今。宜州捉賊。宋巡檢司有。思恩縣。捉賊巡檢。李德用擊卻之。明年轉

杜杞。字偉長。鎬之子。諸蠻。杜杞。字偉長。鎬之子。

夏四月。作太學。五月。帝謁孔子。

詔以錫慶院為太學。置內舍生二百人。講殿既備。帝謁

孔子。故事止肅揖。帝特再拜。賜直講孫復五品服。初。胡

瑗為湖州教授。訓人有法。科條纖悉備具。以身率先。雖

盛暑。必公服坐堂上。嚴師弟子之禮。從之遊者。常數百



人時方尚詞賦。湖學獨立經義治事齋。以敦實學。及興太學。詔下湖州取其法。著爲令式。

元昊復遣使來上表。

元昊遣使上誓表。言兩失和好。遂歷七年。立誓自今。願藏盟府。凡歲賜銀綺絹茶二十五萬五千。乞與常數。臣不復以他相干。乞頒誓詔。蓋欲世世遵守。永以爲好。儻君親之義不存。或臣子之心渝變。當使宗祀不永。子孫罹殃。帝遣使賜元昊詔曰。俯閱來誓。一皆如約。時韓琦還與范仲淹並對。言爲今之策。當以和好爲權宜。戰守爲實務。因畫和守戰三策。又言北戎久彊。今乘元昊議和。其勢愈重。苟不大爲之備。禍未可量。夫京師坦而無備。若北戎一朝稱兵深入。必促河朔重兵。與之力戰。彼戰勝則直趨澶淵。若京城堅固。戒河朔之兵。勿與戰。彼不得戰。欲深入。則前有堅城。後有重兵。必沮而自退。退

都城萬國具瞻。承平時亦宜繕完。以壯金湯之勢。若籌禦寇而議修築。無故張皇。轉慮宗弱。誠使敵果深入臨城。則大局已潰。區區樓櫓之利。尚足恃乎。琦與



仲淹之遠慮自不若余靖  
數言之中窾也

而邀之擊之。皆丁也。故修京師。非徒禦寇。誠以伐深人之謀。諫官余靖言。王者守在四夷。今無故而修京城。是舍天下之大。而爲嬰城自守之計。遂不果行。

### 六月開寶寺塔火。

余靖上疏言。五行之占。本是災變。宜戒懼以答天意。而聞有詔取舊廩舍利入禁中。竊恐巧佞之人。推爲靈異。再圖營造。廣事浮費。以奉佛求福。非天下所望也。且一塔不能自衛。爲火所燬。况藉其福以庇于民哉。

### 以范仲淹爲陝西河東宣撫使。

初。仲淹以忤呂夷簡。放逐者數年。及陝西用兵。帝以其士望所屬。拔用護邊。及夷簡罷。召還。倚以爲治。中外想望其功業。仲淹亦以天下爲己任。與富弼日夜謀慮。興



致太平。然更張無漸。規模濶大。論者籍籍。及按察使出。多所舉勘。衆心不悅。任子之恩薄。磨勘之法密。僥倖者不便。由是謗毀稍行。先是石介奏記于弼。責以行伊周之事。夏竦怨介。又欲因以傾弼等。乃使女奴陰習介書。久之習成。遂改伊周曰伊霍。且僞作介爲弼撰廢立詔草。飛語上聞。帝雖不信。而弼與仲淹恐懼不自安。適聞契丹伐夏。遂請行邊。

### 京師旱蝗。

上謂輔臣曰。方歲旱而飛蝗。百姓何罪罹此。默禱上帝。願歸咎朕躬。余靖等言。災異之來。實由人事闕失。今陛下既有引過之言。達于天地神祇。伏乞必踐其言。必行



其實專聽斷。攬威權。號令信于人。恩澤及于下。則災異消。和氣應矣。

契丹初修國史。

命耶律古裕。

六院部人舊作谷欲今改

耶律庶成。

季父房之後

等充史官。

秋七月。大封宗室。

先是富弼言。北虜率以近親爲名王將相。以治國事。掌兵柄。今歲荆王之薨。識者憂之。臣願陛下擇宗室中賢者數人封之。內以藩屏王室。外以威示四夷。帝用其謀。同時封王公者凡十人。秦王廷美子德文爲東平王。潤王元份子允讓爲汝南王。燕王德昭孫從藹爲潁國公。岐王德芳孫從照爲安國公。又有德昭孫守巽與從藹同封。餘無考。潤王。卽商王改封。



契丹與宋久踐和議元昊則宋之叛臣是宋于遼常以誠信相孚于夏斷無修好之理遼因黨項叛降欲加兵于遼情事更無可疑而藉北邊以討西夏幸其成則可坐收弭敵之利即或不然亦可使兩國構怨以杜其締附之萌如此機會豈可易得乃游移不定浸至元昊降附契丹勢益聯終而不可制亦失算之甚矣

契丹來告伐夏八月遣右正言余靖報之。

先是元昊侵黨項黨項諸部皆叛契丹降夏契丹伐黨項夏人救之至是契丹主徵諸道兵將討元昊遣使來告曰請爲中國討賊慎無與和也時朝廷欲加元昊封冊而契丹之使適至帝疑契丹與元昊同謀見欺召羣臣議之富弼言契丹實有怨于元昊耳保無他也余靖言契丹挾詐不可輕許乃命靖致贐禮且覘其誠否而留夏國封冊不發。

以富弼爲河北宣撫使。

從弼請也弼及范仲淹旣去石介不自安亦請外得濮州通判。



九月許公呂夷簡卒

諡文靖

莊獻太后臨朝十餘年間天下晏然夷簡之力為多及西夏用師契丹求地夷簡選將命使二邊以寧獨建募萬勝軍禁軍也慶歷元年置凡二十營加契丹歲幣大為後日之患又成郭后之廢逐孔道輔范仲淹于外時論少之然所斥士旋復收用亦不終廢其于天下事屈伸舒卷動有操術故當國最久雖數為言者所詆而帝眷倚不衰

晏殊罷

殊平居好賢及為相務進人材擢歐陽修為諫官既而苦其論事煩數或面折之至是修出為河北都轉運使諫官奏留殊獨不許孫復蔡襄因上言殊為李宸妃碑



不言生帝。又役官兵。治僦舍以規利。乃降授工部尚書。  
出知潁州。

以杜衍同平章事。兼樞密使。賈昌朝爲樞密使。陳執中參  
知政事。

衍務裁僥倖。每有內降。率寢格不行。積詔旨至十數。輒  
納帝前。帝嘗語歐陽修曰。外人知杜衍封還內降邪。凡  
有求于朕。每以衍不可告之而止者。多于所還也。執中  
自知青州召還。諫官蔡襄孫甫等。爭言執中剛懷不學。  
若任以政。天下不幸。帝不聽。諫官論不止。乃命中使齎  
勅告卽青州賜之。明日。諫官上殿。帝作色迎謂之曰。豈  
非論陳執中耶。朕已召之矣。乃不敢言。



契丹伐夏。冬十月。夏人誘而敗之。契丹及夏平。

契丹主親將騎兵十萬。出金肅城。

遼西京有金肅州。故城在今鄂爾多斯左

翼廢勝州東北。

遣弟重元出南路。樞密使蕭惠出北路。三路濟

河。入夏境。不見敵。據德勝寺南壁以待。惠與元昊戰于

賀蘭山北。敗之。元昊見契丹兵盛。乃請和。退師十里。請

收叛黨以獻。且進方物。契丹主遣樞密副使蕭革。

字和斯濟

勒國舅房林牙華善之子。按和斯濟

勒舊作胡奚。堇華善舊作和尚。今並改。

詰其納叛背盟

之故。元昊以未得成言。又退師三十里以候。凡三退。將

百里。每退必赭其地。契丹馬無所食。因許和。元昊乃遷

延以老之度。其馬饑士疲。因縱兵急攻惠營。敗之。乘勝

攻南壁。契丹主大敗。從數騎走。得免。已而元昊遣使歸



其先所俘獲契丹主亦遣所留夏使還之遂引兵還

十一月契丹以雲州爲西京

契丹建西京于雲州號大同府于是契丹境內凡五京

上京中京東京南京西京

六府

上京曰臨潢東京曰遼陽中京曰大定興中南京曰析津西京曰大同

考遼興中府即慕容氏龍城注見前

州軍城百五十六

考遼史地理志序遼有京五府六州

軍城百五十有六續綱目誤作五京

六府

縣二百九部族

州軍城百五十六今改正并注明

六府

五千屬國六十東至于海西至金山

注見前

暨于流沙北

至臚胸河

今名克嚕倫河源出喀爾喀肯特山流亘大漠之北下流與黑龍江合

南至白

溝幅員萬里

十二月冊元昊爲夏國主

余靖使還知契丹已與夏和帝乃遣尚書員外郎張子



續通志卷之二十三  
三  
顓。充冊禮使。冊元昊爲夏國主。仍賜對衣。黃金帶。銀鞍。  
勒馬。銀二萬兩。絹二萬匹。茶三萬斤。約稱臣。奉正朔。改  
所賜勅書爲詔而不名。許自置官屬。然元昊帝其國中  
自若也。

知環州种世衡卒

世衡善撫士卒。得人死力。在邊數年。積穀通貨。所至不  
煩州縣官益兵增饋。而武功自振。夏戎不敢以環爲意。  
及卒。青澗及環人。皆畫像祠之。

乙酉五年春正月。罷杜衍。范仲淹。富弼。以賈昌朝同平章事。  
兼樞密使。宋庠參知政事。王貽永爲樞密使。吳育。龐籍爲  
副使。



仲淹弼既出宣撫。攻者益衆。二人在朝所爲亦稍沮止。  
衍獨左右之。衍好薦引賢士。而抑僥倖。羣小咸怨。衍壻  
蘇舜欽能文章。論議稍侵權貴。時監進奏院用鬻故紙  
錢祠神。以妓樂娛賓。集賢校理王益柔字勝之。于席上  
戲作傲歌。御史中丞王拱辰聞之。以二人皆仲淹所薦。  
而舜欽又衍壻。欲因是傾衍。及仲淹乃諷御史魚周詢  
字裕之。劉元瑜舉劾其事。拱辰及張方平列狀請誅益  
柔。章得象無所可否。賈昌朝陰主之。韓琦言于帝曰。益  
柔狂語。何足深計。方平等皆陛下近臣。今西陲用兵。大  
事何限。俱不爲陛下論列。而同狀攻一王益柔。此其意  
可見矣。帝感悟。乃止黜益柔。監復州。注見前酒稅而除舜



廢公羣飲又以與不與為榮辱當日所謂名士本堪憎鄙且挾妓傲歌蕩然開檢之外尤不為無罪特拱辰輩之効治徒藉以快私忿而株累大臣並非為名教官箴起見宜為君子所譏耳

欽名同席被斥者十餘人

時同斥者右班殿直劉巽判尚書刑部江休復在召中而

辭不往者何中立欲與會而以任子攢之者李定舜欽之斥中立與定所為也餘無攷江休復字鄰幾陳留

人何中立字公南許州人李定字仲求洪州人晏殊之甥皆知名之士拱辰喜曰吾

一舉網盡矣舜欽既得罪

舜欽被廢居蘇州買木石作滄浪亭以自適後遷湖州長

史衍不自安求去不許會諫官錢明逸

字子飛故吳越王侑之孫論

仲淹弼更張綱紀紛擾國經凡所推薦多挾朋黨陳執

中復譖衍庇二人帝不悅遂并黜之衍罷知兗州仲淹

知邠州

仲淹以疾求解邊任改鄧州

弼知鄆州衍清介有大節其去

也君子惜之

三月罷樞密副使韓琦

范仲淹富弼罷去琦不能獨居上疏辨析且言近日臣



水洛之役既由秦罷劉滬  
該違成命罰所宜加尹洙  
誠効其罪而繩之以法誰  
得議其非者乃率意徑行  
不復稟承中旨遽爾代之  
械之誠不免涉于專擅滬  
固矢之洙亦未為得也乃  
朝議意存左祖竟釋滬而  
徙洙又豈所以昭平允

僚多務攻擊忠良取快私忿不報初陝西四路總管鄭

戢遣靜邊砦

在今延安府保安縣西南

主劉滬

字子濬保州人

著作佐郎董

士廉

常山人

城水洛

注見前

以通秦渭援兵知渭州尹洙以

為前此屢困于賊者正由城砦多而兵勢分也今又益

城不可秦罷其役會戢罷而滬等督役如故洙不平以

張忠

考宋史同時有兩張忠俱開封人一字聖毗歷官齊滄潭三州團練卒一不著其字曾為陝西總管

指揮使洙以代滬者或即代之滬不受代洙乃諭裨將

是其人而本傳不詳其事狄青往械滬及士廉下吏而罷水洛之役戢論奏不已

琦是洙而朝議右戢竟徙洙知慶州釋滬等獄而復城

水洛琦乃請外遂出知揚州

河東轉運使歐陽修上疏曰杜衍范仲淹韓琦富弼

天下皆知其有可用之賢而不聞其有可罷之罪自古小人讒害其識不遠欲廣陷良善則指為朋黨欲動搖



大臣則誣以專權。蓋去一善人而衆善人尚在。則未爲小人之利。欲盡去之。則善人少過。惟指爲朋黨。則可盡逐。自古大臣被主知。蒙信任。則難以他事動搖。惟有專權。是上之所惡。方可傾之。夫正士在朝。羣邪所忌。謀臣不用。敵國之福也。竊爲陛下惜之。羣邪益忌修。因傳致修罪。左遷知滁州。洙博學有識度。以爲自唐以來。文品卑弱。至柳開始爲古文。而世未知宗尚。乃與穆修復振起之。爲文簡而有法。元昊反。洙未嘗不在兵間。故于西事尤爲練習。忌者誣以假用公錢。坐貶。未幾卒。

柳開字仲塗。大名人。穆修字伯長。鄆州人。

### 罷科舉新法

范仲淹旣去。磨勘蔭子法俱罷。執政以新定科舉入學。預試爲不便。且言詩賦聲病易考。而策論汗漫難知。祖宗以來。莫之有改。且得人嘗多矣。帝下其議。有司請如舊法。乃詔前所更令悉罷之。

夏四月。丁亥朔。日食。



是日陰晦不見羣臣皆賀

章得象罷

得象在中書畏遠名勢宗黨親戚一切抑而不進然亦無所建明御史孫抗數論之得象乃上章求去遂出知

陳州

以陳執中同平章事兼樞密使吳育參知政事丁度

字公雅祥

符人爲樞密副使

未幾執中與賈昌朝言西夏來庭乞免兼樞密使從之

冬十月罷轉運兼按察使

十一月罷京東安撫使富弼

滁州狂人孔直溫謀反伏誅搜其家得石介書時介已



死。宣徽南院使夏竦怨介嘗譏已。言介詐死。乃弼遣介

結契丹起兵。期以一路兵爲內應。請發介棺驗之。詔下

兖州。訪介存亡。杜衍保介必死。

衍會問榷屬掌書記龔鼎臣。願以闔門證其死。

衍探懷出奏稿示之曰。吾已保介矣。龔鼎臣字輔之。須城人。

提刑呂居簡

蒙正第六子。

亦上言。無故發棺。何以示後。始獲免。遂罷弼安撫使。貶孫

復監虔州稅。介子孫羈管池州。

丙戌

六年春三月辛巳朔日食。

帝謂賈昌朝等曰。謫見于天。願歸罪朕躬。卿等宜究民

疾苦。思所以安利之。又曰。人主懼天而修德。猶人臣奉

法而自新也。昌朝等頓首謝。

夏五月。京師雨雹。河北河東京東同時地震。



仁宗嘗論昌朝以畏法自新其過惡諒已洞察況素知吳育剛正尤當與予保全乃轉徙官以避昌朝是非倒置矣至高若訥身為刑官既附時宰以脫何綬殺人之罪及在臺端復逞私意以結吳育喧爭之非甘為小人而不顧可恥孰甚焉

登萊州尤甚。先是青州震已而登州屢震海底輒有聲如雷

秋八月以吳育為樞密副使丁度參知政事

育在政府遇事敢言時知永靜軍今河間府東光縣宋于此置永靜軍何

綬疑通判江中立譖已因誣以罪迫令自殺育欲坐綬

死賈昌朝不可遂爭議帝前殿中皆失色育論辨不已

曰臣所辨者職也顧力不勝願罷臣職知審刑院高若

訥附昌朝議綬竟減死一等帝以昌朝故乃命育與度

易位謂近臣曰吳育剛正可用第嫉惡太過耳

丁亥七年春二月大旱詔求直言

三月賈昌朝吳育罷

昌朝育議不協論者多不直昌朝時方憫雨昌朝引漢



御批歷代通鑑輯覽 卷之二十一  
冊免三公故事。乞罷御史中丞高若訥。上言。大臣喧爭。爲不肅。故雨不時若。于是昌朝出判大名。育出知許州。以夏竦同平章事。尋改授樞密使。以文彥博參知政事。高若訥爲樞密副使。

竦制下。諫官御史交章言。大臣和則政事修。竦前在關中。與首相陳執中論議不合。今不可使共事。故改之。

帝禱于西太乙宮。是日雨。

帝出禱雨于太乙宮。日方炎赫。帝卻蓋不御。及還而雨大澍。

冬十一月。貝州卒王則據城反。以明鎬爲河北安撫使。初。涿人王則。以歲饑流至貝州。自賣爲人牧羊。後隸宣



殺軍爲小校貝冀俗尚妖幻相與習五龍滴淚等經及諸圖讖書言釋迦佛衰謝彌勒佛當持世妖人爭信事之州吏張繼卜吉主其謀黨與連德齊諸州約以明年正旦斷澶州浮梁作亂會其黨以書謁北京留守賈昌朝事覺被執則故不待期亟以冬至日反時知州張得一。方與官屬謁天慶觀則率其徒劫庫兵執得一囚之從通判董元亨深州東鹿人索庫鑰元亨厲聲罵賊賊遂殺之。又殺司理王獎節度判官李浩等兵馬都監田斌以從卒巷戰不勝而出城扉闔提點刑獄田京字簡之臺州鹿邑人等縋城出保南關入驍健營撫士卒凡有欲應賊者京以計盡誅之由是營兵在外者皆懾服南關得不陷時有

王則亂民使甚乞降求生  
尚無可貸昌朝身為留守  
不能即時勦滅乃使持榜  
招降庸謬甚矣指使捐軀  
賊巢實由昌朝所致賊平  
而反言封公爵刑賞之公  
安在乎

北京指使馬遂聞則反告留守賈昌朝請討賊昌朝令  
持榜入貝州招降諭以禍福則不答遂奮起扼其喉毆  
之而左右無助之者遂為賊所殺則僭稱東平王建國  
事聞贈官死使馬遂開封人

曰安陽改元得聖旗幟號令率以佛為稱城以一樓為

一州書州名補其徒為知州每面置一總管然縋城下

者日眾于是令民伍伍為保一人縋餘悉斬事聞以知

開封府明鎬為體量安撫使而詔貝州有能獲賊者授

諸衛上將軍鎬至貝州民汪文慶等自城上繫書射鎬

帳約為內應夜垂縋以引官軍入城者數百人賊覺率

眾拒戰官軍不利乃與文慶等復縋而出

先是知制誥胡宿以登萊

地震因言必有內盜起于河朔宜為之備登萊視京師

為東北少陽之位也今二州並置金坑聚民以鑿山谷

陽氣損洩故陰乘而動可即禁止以寧地道

至是其言始驗胡宿字武平常州晉陵人



太子太傅致仕李迪卒。諡文定。

戊子八年春正月。以文彥博爲河北宣撫使。明鎬副之。

閏月。執王則檻送京師。誅之。以文彥博同平章事。

鎬以貝州城峻不可攻。乃爲鉅闔。將成。爲賊所焚。鎬乃卽南城爲地道。日攻其北以牽制之。朝廷以則未下。命彥博宣撫。鎬爲之副。夏竦惡鎬恐其成功。凡鎬所奏。輒從中沮之。彥博旣受命。請軍事得專行。許之。彥博至貝。鎬穿道適通。遂選壯士。夜半由地道入城。衆登城。賊縱火牛。官軍以槍中牛鼻。牛還攻之。賊大潰。開東門遁。總管王信字公亮。太原人。追則擒之。餘衆保村舍者。皆被焚死。竦復言。所獲恐非真盜。乃詔檻送則京師。磔于市。則據城。

凡六十六日而敗。改貝州為恩州。張得一以降賊伏誅。

詔以彥博同平章事。加明鎬端明殿學士。封賈昌朝為

安國公。侍讀學士楊偕言賊發昌朝部至出大臣乃能平昌朝為有罪不當賞弗聽。

夏元昊卒。

元昊卒。子諒祚。小字寧令哥。今改。方期歲。密藏。舊作沒藏。今改。氏

所生也。夏國語謂歡嘉為寧令。兩岔河名也。密藏氏從元昊出獵至此。生諒祚。遂名焉。養于母

族鄂博。舊作訛。今改。鄂博因立之。以三大將分治國政。考東都事

畧。元昊凡七娶。其五娶曰野利氏。雅奇妹也。生子曰寧

寧格。立為太子。已而雅奇被誅。元昊得其妻密藏氏。與

私通。野利氏出之為尼。會元昊欲納瑪伊克氏為寧寧

格妻。見其美。自取之。寧寧格憤而殺元昊。不死。剗其鼻而去。匿黃廬為密藏氏之兄鄂博所殺。元昊遂因鼻創而死。方密藏氏之為尼也。已有娠。元昊既死而生子。是為諒祚。鄂博遂立之。以密藏氏為太后。此所載與宋史不同。李燾長編因之。續綱目節錄數語于圈外。以示存



疑今據東都事畧云云。密藏氏既已斥出爲尼。其生子又在元昊死後。鄂博擁立。夏國將相豈無一人異議。其說恐不足信。今仍以宋史爲斷。而附注于此。按甯寧格舊作甯寧哥。瑪伊克舊作沒暇。今並改正。衛士作亂。伏誅。

帝將以閏月望夕復張燈。皇后諫止之。越三日。親從官顏秀等四人謀爲亂。夜入禁中。越屋叩寢殿。皇后方侍帝。聞變遽起。帝欲出。后閉閣擁持。趣召都知王守忠。使引卒入衛。賊傷宮嬪殿下。聲徹帝所。宦者以乳嫗毆小女子。給奏。后叱之曰。賊在近殺人。敢妄言耶。陰遣人挈水踵後。賊果舉炬焚簾。水隨滅之。是夕所遣宦侍。后皆親剪其髮。曰。以是徵賞。故爭盡死力。守忠兵至。賊就擒滅。詔領皇城司者皆坐斥。事連副都知楊懷敏。夏竦與

觀此所載仁宗曾一后之不如直是無丈夫氣。但所云剪髮徵賞。豈能盡識其人。點者將自剪髮以邀功。且不數月而以張美人爲有扈蹕功。更謂賊本起皇

后閣以前後相形而論則  
紀事之不實多誣概可知  
矣

懷敏相結欲曲庇之乃請御史與宦官同鞠于禁中丁  
度曰宿衛有變事關社稷請付外臺窮治因爭于帝前  
帝從竦議由是懷敏止降官領內職如故

三月詔羣臣言時政闕失

帝幸龍圖天章閣以手詔問輔臣及御史中丞以上時  
政闕失皆給筆札令卽坐以對時陳執中不學少文固  
辭不對宋庠亦請至中書合議條奏乃聽兩府歸而上  
之翰林學士張方平方鎖院草制夜半與所條對俱上  
言汰冗兵退剩員慎磨勘擇將帥四事帝覽奏驚異詰  
旦更賜手札問詔所不及者方平復上備邊恤刑二事  
又言比來朝廷頗引輕險之人內爲言官外爲按察多



西夏寇邊宋不能致討及

發人曖昧之事。天下承風靡然一變。故將相以至卿大夫士一動一爲。輒曰恐致人言。苟且因循求免謗咎。何

暇展布四體爲國立事哉。

時殿中侍御史何郯言。國家設侍從之官。自學士至待制。

公卿之才並由此出。自頃相承。惟以文翰待之。而不責其言議。臣下亦以職分當爾。自安循默。以天下利害之大。備言責者。惟御史諫官十人。而欲陛下聰明無所遺。政理無所失。不可得矣。乞論兩制臣僚。自今聞朝政闕失。並許論列。御史中丞魚周詢言。近西陲備禦。天下釋騷。日費千金。生靈重困。今元昊勿子新立。乃朝廷寬財用恤民力之時。速宜經度以紓匱乏。願委安撫使與守邊掌記臣僚裁減冗兵節抑浮費。又言仕進多門。滋長奔競。糜費廩祿。願特詔進士解褐。無令過多。流外奏補宜暫停止。又請擇牧守。選將帥。斥貪殘。汰庸鶩。凡千有餘言。帝以執政及近臣所對多疎濶。特嘉周詢詳敏。何郯字聖從。成都人。

夏四月。冊諒祚爲夏國主。

夏遣使來告哀。朝廷及契丹皆遣使慰奠。議者請因諒

有隙可乘又復坐失事機  
不振實甚程琳之言止可  
施于無夢之屬國而非所  
論于叛臣使拘泥而不知  
變通則得所稱兼弱攻昧  
非武之善經矣宋代迂儒  
鉅計此以文其怯懦程琳  
武夫何亦為此交廢之見  
耶

祚幼弱母族專國以節鉞啖其三大將使各有所部分  
以披其勢可以得志陝西安撫使程琳曰幸人之喪非  
所以柔遠人不如因而撫之帝乃遣使册諒祚爲夏國  
主議者深惜朝廷之失機會

罷丁度爲觀文殿學士以明鎬參知政事

度以與夏竦議事不合求解政事乃置觀文殿學士以  
授之度性淳質在翰林十五年數論天下事未嘗及私  
帝雅重之文彥博數推鎬貝州之功且薦其才可大用  
帝遂以代度

未幾鎬卒

五月無雲而震夏竦免以宋庠爲樞密使龐籍參知政事  
何知論竦姦邪不可任樞要會京師一日無雲而震者



五帝方坐便殿。趣召翰林學士張方平至。謂曰。夏竦姦邪。以致天變如此。宜免之。乃出知河南。

冬十二月。以美人張氏爲貴妃。

初。衛士之變。帝以美人有扈蹕功。夏竦建議欲尊之。同

知諫院王

子王之廬陵太和人。

因言賊本起皇后閣前。請究其

事。冀動搖中宮。陰爲美人地上。以問御史何郯。郯曰。此姦人之謀。不可不察。上悟。事遂寢。然美人卒以功進貴妃。

巳皇祐元年春正月甲午朔日食。

二月彗星見。

夏五月加知青州富弼禮部侍郎辭不受。

先是河北京東大水民流就食青州富弼勸所部民出粟益以官廩得公私廬舍十餘萬區散處其人以便薪水官吏自前資待缺寄居者皆給其祿使卽民所聚選老弱病瘠者廩之仍書其勞約他日爲奏請受賞率五日輒遣人持酒肉飯糗慰藉出于至誠人人爲盡力山陵陂澤之利可資以生者聽民擅取死者爲大冢葬之目曰叢冢及麥大熟民各以遠近受糧而歸凡活五十餘萬人募爲兵者萬計前此救災者皆聚民城郭中爲粥食之蒸爲疾疫及相蹈藉或待哺數日不得粥而仆自弼立法簡便周盡天下傳以爲式帝聞遣使褒勞加拜禮部侍郎弼曰救災守臣職也固辭不受



秋八月。陳執中罷。以宋庠同平章事。高若訥參知政事。龐籍爲樞密使。梁適爲副使。

執中居位。無所建明。但延接卜相術士。言者屢攻之。遂以足疾求罷。出知陳州。庠初執政。遇事輒分別可否。及再登用。遂浮沉自安。然天資忠厚。嘗曰。逆詐恃明。殘人矜才。吾終身不爲也。

汰諸路兵。

文彥博。龐籍建議省兵。衆以爲不可。帝以爲疑。彥博籍共奏曰。公私困竭。正坐冗兵。果有患。臣請死之。帝意遂決。于是簡汰陝西及河北諸路羸兵爲民者六萬。減廩糧之半者二萬。又詔減陝西兵屯內地以省邊費。

九月。廣源州

宋羈縻州。地在今安南國諒山府東北。

蠻儂智高反。寇邕州。

儂氏自唐初。卽雄于西原。

注見前。

世爲廣源州首領。唐末。

交趾彊盛。廣源服屬之。知儂猶州

蠻州。與下安德州。俱與廣源州接界。儂

全福。爲交人所殺。其妻改適商人生智高。冒姓儂氏。旣

壯。與其母據儂猶州。交人攻而執之。釋其罪。使知廣源

州。智高怨交趾。乃乘間襲據安德州。潛稱南天國。改元

景瑞。因招納亡命。貢獻中國。求內附。朝廷不許。復奉金

函書以請。亦不報。智高怒。與廣州進士黃師宓等。謀據

廣南。乃數出敝衣易穀食。給言洞中饑饉。部落離散。知

邕州陳珙信之。不設備。智高忽一夕縱火焚其居。因給

衆曰。平生積聚。今爲天火所焚。生計窮矣。當取邕廣以



自王。否則兵死。衆從之。遂率衆五千。沿江即廣西南寧府之左江。源

出廣東下。攻邕州橫江砦。當作橫山。本唐縣。宋改砦。在源州。今南寧府宣化縣東橫山上。

守將張日新等戰死。詔江南福建等路發兵備之。

罷武舉。

冬十月。契丹伐夏。執諒祚之母以歸。

先是。契丹主伐夏。北院樞密使蕭惠帥師自河南進。戰

艦糧艘。綿亘數百里。旣入敵境。偵候不遠。鎧甲載于車。

軍士不得乘馬。諸將請備不虞。惠曰。諒祚必自迎車駕。

何暇及我。無故設備。徒自弊耳。契丹主聞夏人已遁而

還。惠師尙進。未立營柵。夏人奄至。士卒皆不及甲而走。

死傷不可勝數。至是。北道行軍都統耶律達魯噶舊作敵魯

古。今改正。率兵至賀蘭山。獲諒祚母。及宮僚官屬以歸。明年契丹

復伐夏。夏兩遣使于契丹。乞依舊稱藩。契丹主遣都監蕭雅噶等使夏。索党項叛戶。諒祚請代党項權進駝馬牛羊等物。而求唐隆鎮。乞罷所建城邑。契丹主不許。置諒祚母屬于薊州。按雅噶舊作交括。今改正。

庚寅二年秋九月。大享天地于明堂。赦。

自太祖以來。未嘗親享明堂。惟命有司攝事。是歲帝以

大慶殿為明堂。仍詔有司詳定儀注。于是新作禮神玉。

玉。通鑑誤作圭。製樂八曲。五音一曲。奉俎用之。二變七。今依宋史改正。律一曲。飲福用之。七律相生。

一曲。退文舞。迎武舞。及亞獻終獻。徹豆用之。又酌獻五。帝隨月用律。各從其音。為五曲。二變。變宮變徵也。月

律。正月大族為青帝。四月仲呂為赤帝。六月林鍾為黃帝。七月夷則為白帝。十月應鍾為黑帝。九月朝

享景靈宮。又享太廟。乃大享天地于明堂。以太祖太宗

真宗配儀如圓丘。大赦。百官皆進秩。



冬十一月。詔外戚毋得任二府。

時張貴妃寵冠後庭。堯佐

字希元。

其伯父也。驟除宣徽節

度景靈羣牧四使。殿中侍御史唐介

字子方。荆南人。

與知諫院

包拯

字布仁。廬州合肥人。

吳奎

字文長。淮州北海人。

等力爭之。中丞王舉正

又留百官班廷論。故有是詔。且罷堯佐宣徽景靈二使。

閏月。詔更定雅樂。

先是。帝以大享明堂。召近臣同閱雅樂。至是。言者以鑄

鐘特磬未協音律。詔令鄧保信阮逸盧昭序同太常檢

詳典禮。別行鑄造。太常薦太子中舍致仕胡瑗。詔同定

鐘磬制度。又下詔中書門下集兩制太常官。置局于秘

閣。詳定大樂。王堯臣薦天章閣待制趙師民。博通古今。

願同詳定。尋又詔議定樂名。王堯臣等奏宜名大安。從

之。

時田況。宋祁。薦益州鄉貢進士房庶。曉音律。召詣闕。自言嘗得古本漢志云。度起于黃鍾之長。以子穀秬

黍中者。一黍之起。積一千二百黍之廣。度之九十分。黃

鍾之長。一為一分。今文脫之。起積一千二百黍。八字。故

自前世以來。累黍為尺。以制律。是律生于尺。非起于黃

鍾也。蓋漢一為一分者。九十分之一。後誤以一黍為一

分。其法非是。當以秬黍中者。一千二百實管中。黍盡得

九十分。為黃鍾之長。九十分之一。以為尺。則律定矣。直秘

閣范鎮是其說。而胡瑗等制樂已定。故授庶校書郎。而

遣之。惟集賢校理司馬光不以鎮言為是。數與論辨。然

世鮮鍾律之學。竟不能決。田況字元均。冀州信都人。後

人。范鎮字景仁。華陽人。司馬光字君實。陝州夏縣人。後

三年。知制誥王洙

字原叔。堯臣之叔。

言。黃鍾為宮。最尊者。但聲

有尊卑。不在形體之大小。若隨律長短。為鍾大小之制。

則減至應鍾。比黃鍾纔四分之一。又九月十月。以無射

應鍾為宮。即黃鍾大呂反為商聲。宮小而商大。是君弱



雅樂務諧律呂新舊殊製  
富折衷于是以用之協和

臣彊之象。今參酌鑄鐘特磬制度。欲且各依律數算定  
長短大小容受之數。仍以景祐中黍尺胡瑗以橫黍尺累尺事具前爲  
法。鑄大呂應鍾鐘磬各一。卽見彤制聲韻所歸。奏可。翰  
林學士承旨王拱辰復言。黃鍾爲諸律之首。蓋君德之  
象。不可並也。今十二鐘磬。一以黃鍾爲率。與古爲異。請  
更詳定。知諫院李兌字子西言。竊聞崇文院聚議。王拱  
辰欲更前史之義。王洙不從。議論喧噴。夫樂之道。廣大  
微妙。非知音入神。豈能輕定。且阮逸罪廢之人。務爲異  
說。欲規恩賞。朝廷制樂。當國財匱乏之時。煩費甚廣。器  
旣成矣。又欲改爲。雖命兩府大臣監議。未能裁定。當請  
以新成鐘磬。與祖宗舊樂參校其聲。但取諧和近雅者。

神人豈可使有同異乎  
南郊用舊常祀朝會用新  
其何以示同和而昭一律  
哉

用之。于是詔南郊仍用舊樂。其新定大安之樂。常祀及

朝會用之。

初王朴所制編鐘皆側垂李照與胡瑗皆非之。又太常藏古編鐘其聲與朴鐘夷則清聲

合而其形側垂後至和二年瑗改鑄正其鈕使下垂叩之。龔鬱而不揚其鑄鐘又長而震掉聲不和。著作佐郎劉義叟曰此與周景王無射鐘無異。上將有眩惑之疾其明年正月帝暴感風眩人以其言為驗。劉義叟

字仲更澤

州晉城人。

卯辛

三年春正月帝幸魏國大長公主

太宗女。第。

公主幼不好弄貌類太宗下嫁李遵勗。

字公武上黨人繼昌子。賓

客皆一時賢士。大天每燕集主必親視饗餼之節。莊獻

太后嘗賜金龍小冠辭不敢服。太后訪以政事多語祖

宗舊事以諷。遵勗字許州暴得疾主亟欲往視不待奏

而行。從者纔五六人居其喪。衰麻未嘗去身。服除不復



御鮮華。嘗燕禁中。帝親爲簪花。主辭曰。自誓不復爲此久矣。未幾病目。帝自臨視。親舐主目。左右感泣。帝亦悲慟。問子孫所欲。主曰。豈可以母疾而邀賞邪。賚白金三千兩。不受。至是以暴疾聞。帝促駕往視。未至而主卒。乃卽主堂易服奠哭。諡主曰獻穆。

三月。宋庠免。以劉沆

字冲之。吉州永新人。

參知政事。

時有僞造勅牒者。庠弟祁之子與遊。事覺。包拯等言庠不戢子弟。且在政府無所建明。庠遂求去。出知河南府。夏。六月。詔州郡勿獻瑞物。

知無爲軍茹孝標獻芝草。帝曰。朕以豐年爲瑞。賢臣爲寶。草木之異焉足尙哉。免孝標罪。而戒州郡勿復獻。

秋八月京東淮浙饑。

諫官吳奎言。近歲以來。水不潤下。盜賊橫起。皆陰盛所致。今朝廷之過。在乎因循。中外臣寮。建一策。舉一官。雖有可取。皆抑而不行。又從而媒蘖。謂之生事。如兩河盜賊。行路之人。皆已傳布。而大臣不以爲事。至執殺官吏。然後倉皇移易官守。不亦晚乎。事將有大于此者。幸陛下留意。

冬十月。以張堯佐爲宣徽南院使。貶殿中侍御史裏行。唐

介爲英州。

注見前。

別駕文彥博免。

堯佐復除宣徽使。知河陽。命下。介謂同列曰。是欲與宣徽而假河陽爲名耳。獨抗言之。帝謂曰。除擬本出中書。



介遂劾文彥博知益州日。造間金奇錦。緣闈寺通宮掖。以得執政。今顯用堯佐。益自固結。請罷之而相富弼。語甚切直。帝怒。卻其奏不視。且曰。將遠竄。介徐讀疏畢。曰。臣忠憤所激。鼎鑊不避。何辭于謫。帝急召執政示之。曰。介論事是其職。至以彥博由妃嬪致宰相。此何言也。進用冢司。豈應得預。而乃薦弼。時彥博在帝前。介責之曰。彥博宜自省。卽有之。不可隱。彥博拜謝不已。帝益怒。梁適叱介使下殿。修起居注蔡襄趣進救之。貶春州別駕。王舉正言其太重。帝亦悟。明日取其疏入。改英州。而罷彥博知許州。吳奎亦以介黨出知密州。帝慮介或道死。有殺直臣名。命中使護之。由是介直聲聞天下。然彥博

事之有無卒莫能辨。

夏竦卒。以龐籍同平章事。高若訥爲樞密使。梁適參知政事。王堯臣爲樞密副使。

竦卒。賜諡文正。同知禮院司馬光言。諡之美者。極于文

正。竦何人。乃得此諡。判考功劉敞

字原父。新喻人。

言。諡者。有司

之事。竦姦邪而諡之以正。不應法。且侵臣官。詔更諡文莊。

丁巳四年夏五月。資政殿學士汝南公范仲淹卒。

諡文正。

仲淹生平。勵志聖賢之學。嘗自誦曰。士當先天下之憂而憂。後天下之樂而樂。其爲政忠厚。所至有恩。邠慶二州之民。與屬羌。皆畫像立生祠。其卒也。哀號如父。

仲淹在朝。



興造以贖貧民。寓賑于工。實可補周官荒政所未及。至遊宴湖山。使民有所仰食。雖亦分有餘以濟不足。然時當饑饉。閭閻升斗。惟艱。夕復飲食嬉遊。以耗穀。刈市糴。益將騰踊。且仲淹稱先憂後樂者。日對鵲形。鵲頭之人。而燕娛自適。亦何以爲情。不若富弼之賑。治青州良法可猶也。

嘗上言曰。與陛下共理天下者。惟守宰最要。比年以來。不知選擇。一切以例除之。其間良吏百無一二。使天下賦稅不得均。獄訟不得平。水旱不得救。盜賊不得除。救之之術。莫若守宰得人。則政舉矣。其知杭州也。值歲饑。仲淹日出宴于湖山。縱民競渡。諭諸寺僧造殿宇。又新倉廩吏舍。日役千夫。監司劾奏杭州不恤荒政。仲淹言。所以遊宴興造者。正欲發有餘之財。以惠貧者。使工技貿易之人。皆得仰食于公私。荒政之施。莫此爲大。旣而兩浙惟杭州晏然。遂著爲令。

儂智高陷邕。橫諸州。橫州。唐置。今屬南寧府。遂圍廣州。詔鈴轄陳曙

等發兵討之。

智高攻陷邕州。執知州陳珙等。欲任司戶孔宗旦。魯人。

以事。宗旦不屈。遂遇害。都監張立亦罵賊死。智高卽州建大南國。

自稱仁惠皇帝。置官屬。時天下久安。廣南州郡無備。智

高所向。守臣輒棄城走。遂陷橫。貴。藤。今廣西梧州府藤縣。梧。康。今廣

東肇慶府

端龔

今廣西潯州府平南縣

封

與貴梧端

八州知封州

曹覲

字仲賓建安人

知康州趙師旦

字潛叔宣城人

皆戰死智高進圍

廣州知州魏瓘力戰禦之知英州蘇緘

字宜父泉州晉江人

蒐募

壯勇合數千人赴援扼賊歸路得黃師宓父斬之以徇

而轉運王罕亦自外至募民兵益修守備城得不陷事

聞命陳曙討之又以余靖為廣西安撫使同提刑李樞

及曙經制賊盜事復以楊敞

字樂道崇勲曾孫

體量安撫廣南

發廣東鈴轄兵赴之

以狄青為樞密副使

初尹洙與青談兵善之薦于韓琦范仲淹曰此良將材

也二人待之甚厚仲淹授以左氏春秋且曰將不知古



今匹夫勇耳。青由是折節讀書。悉通秦漢以來將帥兵法。累進馬軍副都指揮使。青起行伍。十餘年而顯貴。面涅猶存。帝嘗勅青傳藥除之。青指其面曰。陛下以功擢臣。不問門地。臣所以有今日。由此涅耳。臣願留以勸軍中。不敢奉詔。帝益重之。至是。自知延州。召拜副使。臺諫王舉正等諫其不可。帝不聽。

秋七月。儂智高陷昭州。九月。以孫沔爲廣南安撫使。

初。以沔知秦州。入見。帝以秦事勉之。對曰。秦州不足煩聖慮。陛下當以嶺南爲憂。臣觀賊勢方張。官軍朝夕當有敗奏。旣而昭州鈐轄張忠

注見前。

以擊賊敗沒。事聞。帝

乃除沔湖南。江西安撫使。沔請發騎兵求武庫精甲。梁

適折沔曰。毋張皇。沔曰。前日惟亡備。故至此。今乃欲示鎮靜耶。夫實備不至。而貌爲鎮靜。危亡之道也。乃與兵七百人。沔憂賊度嶺而北。乃檄湖南江西曰。大兵且至。其繕治營壘。多具燕犒。賊疑不敢北侵。行至鼎州。本朗符中改名。後升常德府。今府屬湖南。加廣南安撫使。以狄青爲荊湖宣撫使。督諸軍討儂智高。

智高寇擾日甚。嶺外騷動。楊旼等久無功。帝以爲憂。智高移書行營。求邕桂節度使。帝將受其降。梁適曰。若爾則嶺表非朝廷有矣。會狄青上表請行。遂以爲宣撫使。提舉廣南經制盜賊事。青入對。自言曰。臣起行伍。非戰伐。無以報國。願得蕃落數百騎。益以禁兵。羈賊首致闕。



下。帝壯其言。時命入內都知任守忠爲青副。知諫院李  
兌言。唐失其政。以宦者觀軍容。致主將掣肘。是不足法。  
遂罷守忠。諫官韓絳。字子華。億第三子。復言青武人。不宜專任。  
帝以問龐籍。籍力贊青可用。且言號令不專。不如不遣。  
乃詔嶺南諸軍皆受節度。

以范祥

字晉公。邠州人。

爲陝西轉運使。制置解鹽事。

自復權法。兵民輦運不勝其苦。並邊務誘人入中芻粟。  
皆爲虛估。騰踊至數倍。大耗京師錢幣。太常博士范祥。  
關中人也。熟其利害。常謂兩池之利甚博。而不能少助  
邊計者。公私侵漁之害也。儻一變法。歲可省度支緡錢  
數十百萬。乃畫策以獻。遂命制置其事。使推行之。論者

爭言其非是。遣戶部使包拯馳視。還言其便。論者猶籍籍。籍。驛召祥至。與三司雜議。皆是祥所建。詔從之。田况請久任祥。以專其事。乃擢祥為轉運使。于是舊禁鹽地。一切通商。聽鹽入蜀。罷九州軍入中芻粟。令人實錢。償以鹽。授以要券。即池驗券。按數而出。盡弛兵民輦運之役。以商所入緡錢。糴粟輸並邊九州軍。而悉留榷貨物錢。幣以實中都。由是黠商貪賈。無所僥倖。關內之民得安其業。公私便之。按宋史食貨志。祥之獻策變法。在慶歷四年。會祥以病告。不果行。至八年。復申前說。乃以祥為陝西提點刑獄。兼制置解鹽事。推行其法。至皇祐元年。侍御史知雜何郊復言其非。其明年。遣包拯馳視。以為便。田况為三司使。請久任祥。乃擢祥為轉運使。是祥法之行。在慶歷八年。祥之為轉運。亦當在是年之前。續綱目及通鑑。皆書于此。且似鹽法至此始變者。殊為失實。但食貨志及范祥。包拯。田况各傳。似不



著日月。若改書在慶歷八年。無月可繫。今姑仍其舊。而加注以辨于此。

冬十月。以胡瑗爲國子監直講。

瑗旣居太學。其徒至不能容。取旁官舍處之。禮部所得士。瑗弟子十常居四五。隨才高下。喜自修飭。衣服容止。往往相類。人遇之。不問可知爲瑗弟子也。時與孫復同爲直講。復教養不及瑗。而治經過之。

十一月壬寅朔日食。

十二月。狄青勒兵賓州。

唐置。今屬柳州府。

陳曙兵敗。青斬之以徇。

先是。儂智高陷賓州。復入于邕。

時交趾請出兵助討智高。余靖以便宜許之。請

于朝。青奏曰。假兵于外。以除內寇。非我利也。以一智高橫踐二廣。力不能制。乃假蠻夷兵。蠻夷貪得忘義。因而啓亂。何以禦之。願罷交趾助兵。帝從之。及是。青合孫沔。余靖之兵。進次賓

州。青行軍立行伍。明末約野宿。皆成營柵。戒諸將無得

妄與賊鬪。聽吾所為。鈴轄陳曙乘青未至。輒以步兵八

千擊賊。潰于崑崙關。在南寧府宣化縣東北崑崙山上。方輿紀要。關扼賓邕兩界。旁多岐

嶺最為衝要。殿直袁用等皆遁。青曰。令之不齊。兵所以敗。晨

會諸將堂上。揖曙起。并召用等三十二人。按以敗亡狀。

驅出軍門斬之。汚靖相顧駭眙。諸將股栗。莫敢仰視。

癸巳五年春正月。狄青夜度崑崙關。大敗儂智高于邕州。智

高走大理。即唐南詔。滇載記。石晉天福初。段思平據有南詔。改國號大理。廣南平。

青既誅陳曙。因按兵止營。令軍休十日。衆莫測。賊覘者

還。言軍未即進。青明日即整兵。自將前軍。孫汚將次軍。

余靖為殿。夕次崑崙關。值上元節。大張燈樂。飲徹曉。次

狄青下崑崙與李愬之人  
淮蔡同為攻其無備而設  
施異愬則宴命裴度而  
勒其發青則盛張燈宴  
而微服徑行非青之必欲



輕悅冒險也。蓋元和之師，素嚴節制，故不妨先事部。分而此則人未相習，不能運如臂指。雖陳曙輩違令致敗，軍律已申，而人心尚未聯屬，使預示機宜，安保無漏。然值事者中夜勸飲，如常遲明始趨會食，諸將且無從揣測賊人更何由知見端倪。成功之速實在乎此，而其胸有成算出奇致勝則兩人如一轍也。

夜二鼓，方宴。軍官青忽稱疾，暫起如內，數使勸飲，連明。諸將環立帳前，待令乃發。而青已微服與先鋒度騎趣諸將會食。師外賊方覺，悉出逆戰。右將孫節開封人，搥賊死山下。賊氣銳甚，汚等懼失色。青執白旗，麾蕃落騎兵從左右翼擊之。縱橫開合，部伍不亂。賊不知所為，大敗走，追奔五十里，斬首數千級。賊黨黃師宓、儂建中等及偽官屬死者百五十七人，生擒賊五百餘，死者萬計。智高夜縱火燒城遁去，由合江口。左右兩江合流處。注見前。入大理。青按兵入城，獲金帛鉅萬，招復老壯七千二百，嘗為賊所俘脇者，慰遣之。梟師宓等于城下。時賊屍有衣金龍衣者，眾謂智高已死，欲以上聞。青曰：「安知其非詐邪？」寧

失智高不可誣朝廷以貪功也。廣南悉平。捷至。帝喜曰。

青破賊。麗籍之力也。又曰。向非梁適言。南方安危。未可

知也。詔余靖經制廣西。追捕智高。而召青。汚還朝。後二年。靖

遣都監蕭注入特磨道。生獲智高母。及其弟智光。于繼

宗等。又募死士。使大理求智高。重譯得至。會智高已死。

函首至京師。乃誅其母及其弟子。蕭注。字嚴夫。新喻人。特磨道。今雲南廣南府是。

夏五月。高若訥罷。以狄青為樞密使。孫沔為副使。

賞平廣南功也。麗籍及臺諫朝士。皆論青不可長省府。

帝不聽。  
以孫朴。字夢得。相山人。為御史中丞。

韓絳奏。朴非糾繩才。朴即手疏曰。臣觀方今士人。以善

求事為精神。以能訐人為風采。捷給者謂之有議論。刻



深者謂之有政事。諫官所謂才者。無乃謂是乎。若然。臣誠不能也。上察其言。趣令視事。未幾。抃舉吳中復。字仲廢。永興人。爲監察御史。抃未始識其面。或問之。抃曰。昔人恥爲呈身御史。今豈薦識面臺官邪。

秋。閏七月。罷籍。以陳執中。梁適。同平章事。

籍長于吏事。持法深峭。士卒畏服。及爲相。聲名減于治郡時。會姻屬與堂吏受賂。事覺。罷知鄆州。執中適遂相。詔定內侍員。

詔自今內侍供奉至黃門。以一百八十人爲額。仍詔內侍省都知押班。須年五十以上。歷任無贓私罪者。乃得爲之。

冬十月丙申朔日食。

十一月詔減畿內諸縣稅。

端明殿學士張方平言王畿賦斂之重。詔開封府諸縣兩稅。于元額減二分。永爲定式。

甲午至和元年春正月貴妃張氏卒。追冊爲溫成皇后。二月孫沔罷。

貴妃巧慧多智數。善承迎。至贈其父堯封爲郡王。世父堯佐至太師。嫺戚莫不顯貴。然帝守法度。事無大小。悉付外廷議。凡宮禁干請。雖已賜可。或輒中卻。妃嬖幸少比。然終不得紊政。及卒。帝憂悼甚。至輟朝七日。禁京城舉樂一月。追冊爲皇后。治喪皇儀殿。知制誥王洙鈞據。



非禮陰與內侍石全斌附會欲令孫沔讀冊宰相護葬。帝從之。沔曰陛下以臣沔讀冊則可以樞密副使讀冊則不可。遂求罷。乃出知杭州。時陳執中爲首相奉行惟謹。且引沔爲員外翰林學士。士論由是爭咎執中。京師疫。

內出犀角二。令太醫和藥以療民。其一通天犀也。左右請留供服御。帝曰。吾豈貴異物而賤百姓哉。立命碎之。以田況爲樞密副使。三月。王貽永罷。以王德用爲樞密使。貽永尚真宗女鄭國公主。自以祖宗來。無外嫺輔政者。恒懼寵祿過盛。故在樞府十五年。能遠權勢。帝由是益加尊禮。至是以疾罷。德用時以太子太師致仕。會乾元

節上壽。立班廷中。契丹使語譯者曰。黑王相公乃復起邪。帝聞之。遂拜樞使。

夏四月甲午朔。日食。用牲于社。

秋七月。以程戡

字勝之。許州陽翟人。

參知政事。梁適免。

適曉暢法令。臨事有膽量。而多挾智數。貪黷怙權。不戢

子弟。御史中丞孫抃。御史馬遵

字仲塗。樂平人。

吳中復論之。出

知鄭州。

八月。以劉沆同平章事。冬十月。葬溫成皇后。祔其主于太

廟。

劉沆充溫成皇后園陵監護使。既葬。祔廟。賜后閤中金

器數百兩。沆力辭。而為其子請試學士院。遂授館職。

劉沆以會葬得授平章論者議之。乃載其力辭。賜金事。然辭賞而為其子求官。所望不更奢乎。是亦蘊斷賤丈夫而已。且仁宗獨未聞賜錢而不與郎官之事。



乙未

二年春三月改封孔子後世愿

孔子四十代孫為衍聖公

世愿襲封文宣公太常博士祖無擇

字擇之言祖謚不

可加後嗣乃詔改封仍令世襲

夏四月定差衙前

注見前法

初太宗立九等差役法

事具前

後承平既久姦偽滋生而

里正衙前

謂以里正復充衙前

輦運官物陪償折耗役為至重民

多破產者知并州韓琦請罷其法蔡襄亦為帝言之乃

視貲產多寡差排鄉戶衙前

選鄉中貲最高者充差

置籍分為五

則定役輕重而罷里正衙前自是民稍休息

馬端臨曰既云罷里

正衙前而復選貲最高者為鄉戶衙前則不過能免里正重復應役之苦而衙前弊如故也

以趙抃

字閱道衢州西安人

為殿中侍御史

君子小人之別平時衡量  
人品則然至有過誤而干  
吏議豈能復據以為斷若  
預設流品于胥中無論別  
白未必悉當即果無淆濫  
而恕于君子既非春秋責  
備賢者之義刻于小人亦  
非聖人不為已甚之心又  
何以示大公而申成憲耶

抃彈劾不避權倖。聲稱凜然。京師目為鐵面御史。其言  
務欲朝廷別白君子小人。以為小人雖小過。當力遏而  
絕之。君子不幸註誤。當保全愛惜。以成就其德。時吳充  
鞠真卿馬遵吳中復等。皆以直言居外。充真卿以論溫  
出。遵中復以論罷梁適出。歐陽修賈黯鄧州人。復求郡。抃言近日正  
人端士。紛紛引去者。以正色立朝。不能諂事權要。傷之  
者眾耳。由是充等悉得召還。

六月。陳執中免。

知諫院范鎮論執中無學術。非宰相器。會執中嬖妾笞  
小婢。出外舍死。孫抃趙抃等論之。不報。至是以旱錄囚。  
鎮言執中為相。不病而家居。陛下欲弭災變。宜速退執



宦官宮妾不知姓名之語  
從來傳爲美談而不知實  
非也卽如司馬光婦人女  
子無不知之豈宦官宮妾  
獨不知乎豈亦因其知之  
而不可用乎用人爲人主  
馭世大權不但宦官宮妾  
不可操其權而已也且彼  
時獨一富弼爲若輩所不  
知則在朝者將盡爲若輩

中。以快天下之望。今臺臣不以陰陽不和責宰相。而舍  
大索小。暴揚燕私。若因此爲進退。是因一婢逐一相。非  
所以明等級。辨堂陛也。孫抃復與其屬合班論奏。執中  
過失。執中竟免。

以文彥博富弼同平章事。

帝嘗問置相于王素。素對曰。惟宦官宮妾不知姓名者。  
可充其選。帝曰。如是。則富弼爾。至是。彥博與弼同召。至  
郊。詔百官迎之。范鎮言曰。隆之以虛禮。不若推之以至  
誠。及宣詔。士大夫相慶于朝。帝遣小黃門覘知之。語翰  
林學士歐陽修曰。古之命相。或得諸夢卜。今朕用二相。  
人情如是。豈不賢于夢卜哉。修頓首賀。會契丹使者耶

所知者矣獨一富弼其如三公九列何而一時君臣方且侈然自詡為盛事不亦大可笑乎

律防至王德用與射于玉津園防曰天子以公與樞密而用富公為相將相皆得人矣

以張昇

字杲卿韓城人為御史中丞

昇指切時政無所避畏帝謂之曰卿孤立乃能如是昇對曰臣仰托聖主致位侍從是為不孤今陛下之臣持祿養望者多而赤心謀國者少竊以為陛下乃孤立耳帝為感動

秋八月契丹主宗真卒子洪基立

宗真入秋山

在遼長春州境長春州今為郭爾羅斯地

有疾翌日卒

宗真性

因夜宴自入樂隊又數變服入酒肆寺觀尤重浮屠法嘗有正拜三公三師兼政事令者其臣馬保忠嘗勸以臣下無勲勞宜序進之宗真怫然怒曰若爾則是君不得專豈社稷之福耶自是欲有遷除必先厚賜近臣以



絕其言及卒。廟號興宗。

長子燕趙國王洪基即位。以太弟重元爲

太叔。大赦。改元清寧。尊皇太后爲太皇太后。遣使來告

哀。朝廷遣使祭奠。

冬十月。知辰州宋守信擊下溪蠻。不克。

下溪州自彭允林歸順。

事具前。

其後世爲刺史。至仕義。

允林。

傳子師皎。太平興國中。允殊襲刺史。至仕義。又五傳。

有子曰師寶。怨仕義取其妻。

及是來奔辰州。訴仕義嘗殺誓下十三州。

注見前。

將奪其

印符。而并其地。自號如意大王。補置官屬。將起爲亂。知

辰州宋守信聞之。乃以師寶爲鄉導。帥兵數千。深入討

伐。仕義遁入他洞。不可得。俘其孥。官軍戰死者十八九。

守信等皆坐貶。自是蠻獠數入寇掠。邊吏不能制。

朝廷姑欲。

無事遣吏諭旨許以改過自歸初輒不聽後遣轉運使以大兵臨之至嘉祐二年仕義始就降奉職貢然猶數盜邊久之仕義為其子師綵所殺師綵專為暴虐其兄師晏攻殺之納誓表于朝乃命師晏襲州事

十二月修六塔河

六塔地名今大名府清豐縣西南有六塔集即宋時開河處

初真宗景德元年河決澶州橫隴埽

在今大名府開州東尋復修

塞

時河屢決著作郎李垂上導河形勝書并圖其畧朝議謂其煩費議遂寢未幾河決滑州之天臺山傍垂

又言疏河利害議復寢久之決河始塞

天臺山在衛輝府滑縣西李垂字舜工聊城人至帝景祐

元年河又決橫隴遂為大河經流迨慶歷八年河復決

州之商胡埽

在今開州東北宋史河渠志決口廣五百五十七步皇祐元年河合永濟渠注乾寧

軍而橫隴斷流已而復決大名館陶

皇祐二年河決館陶之郭固四年塞

之至是殿中丞李仲昌

垂之子

請自商河穿六塔渠引河

歸橫隴故道

先是郭固雖塞而河勢猶壅議者請開六塔以披其勢及是仲昌復以為言

詔



從之。發丁夫三十萬修六塔河。時穿渠自開州北引商胡決河。流經六塔東南

入橫隴故道。是為六塔河。以仲昌提舉河渠。翰林學士歐陽修三上

疏力諫不聽。方議開六塔之初。修上疏以為修河之役。有大不可者五。宜速止罷。用安人心。既而

有詔詳定。仲昌河議修復上疏。以為開六塔者。云可以全回大河。使復橫隴故道。今六塔止是別河。下流所散

為患已多。若全回大河以注之。則河北之州當更不勝其患。而又故道淤澀。上流必有他決之虞。願下臣議。裁

取其當。及中書奏。仲昌提舉修復上疏。請罷其役。且言功必不成。後悔無及。時富弼尤主仲昌議。疏奏皆不省。

明年四月朔。塞商胡北流。以商胡之流北合永濟渠。故謂之北流。入六塔。

河不能容。是夕復決。溺兵夫。漂芻藁。不可勝計。仲昌坐

流英州。餘謫罰有差。由是議者久不復論河事。考續綱目及宋

元通鑑是條之載。以修六塔而橫隴商胡之決。並不先行揭出。但錄宋史河渠志總序數十言。于河決館陶之

上敘次殊不明晰。且歐陽修三狀不更節採數語。亦為疎漏。今依河渠志並採修文集及胡渭禹貢錐指所云

宋時穿渠

卷八十三

四

宋時穿渠  
云云。改輯。



御批歷代通鑑輯覽卷之七十六

宋

仁宗皇帝

丙申嘉祐元年春正月帝有疾文彥博等宿衛禁中二月帝疾瘳。

文彥博等此爲直以三尺  
童視仁宗矣仁宗暴感風  
眩非不起之症彥博何不  
學樊噲掛闥進見諸事請  
旨而行乃公然赦死罪豈  
非專擅至啓離殿廷益屬  
不經而史方謂京師業業  
賴彥博等以安誠阿其所  
好不識大體之言且京師

正月朔帝御大慶殿受朝暴感風眩趣行禮而罷翌日  
文彥博召內侍都知史志聰問狀對曰禁密不敢漏言  
彥博叱曰爾曹出入禁闥不令宰相知天子起居欲何  
爲邪自今疾勢增減必以告不爾當行軍法又與劉沆  
富弼謀啓離于大慶殿因留宿殿廬志聰白無故事彥  
博曰此豈論故事邪因赦死罪以下令輔臣禱天地宗

之業業未必非彥博等之  
張大其事有以啓之而仁  
宗愈後亦置之不問可謂  
柔恤不飭君綱者矣

廟社稷

北京留守賈昌朝素惡富弼陰結內侍武繼隆

體不安

後數日二人又上言請皇后同聽治亦繼隆所

教也

志聰以其狀白執政彥博視而懷之徐召二人詰

之曰

天文變異汝職所當言也何得輒預國家大事汝

罪當族

二人懼變色彥博曰觀汝直狂愚耳未忍治汝

罪自今

無得復然二人退乃出狀示同列同列皆憤怒

曰

奴敢爾僭言何不斬之彥博曰斬之則事彰灼于中

宮不安

衆皆曰善既而議遣司天官定六塔方位復使

二人往

繼隆白請留之彥博曰彼本不敢妄言有教之

者耳

繼隆默不敢對二人至六塔恐二月帝疾愈御延

治前罪

更言六塔在東北非正北也

和殿文彥博等還私第當是時京師業業賴彥博弼持

重衆心乃安

先是彥博等在禁中有言禁卒告都虞候

德問

都虞候何如人懷德稱其愿可保彥博曰然則卒

有怨

誣之耳當亟誅之以靖衆乃請沆判狀尾斬卒于

軍門

及帝疾愈沆白帝曰陛下違豫時彥博擅斬告反

者

彥博以沆判呈帝乃解許懷德字師古祥符人

閏三月以王堯臣參知政事程戡爲樞密副使



建儲得失前已詳論之仁宗是時春秋尚富未有皇嗣鎮必欲援立近屬其意何居且前後章十九上甚至君臣對泣成何景象又復移書執政言天象示變必有急兵造爲誕妄之語以榮惑人心尤爲狂謬然其所以致此者亦仁宗不整乾綱有以啓之耳

戮以文彥博親故改授副使

以唐介知諫院

御史吳中復請召還唐介。文彥博因言于帝曰。介頃言臣事多中。臣病其間雖有風聞之誤。然當時責之太深。請如中復奏。乃召介知諫院。時稱彥博長者。

夏五月。罷知諫院范鎮。

帝性寬仁。言事者競爲激訐。鎮獨務引大體。非關朝廷安危。生民利疚。則未嘗言。及帝暴疾。文彥博因請帝建儲。帝許之。會疾瘳而止。至是。鎮奮然曰。天下事尚有大于此者乎。卽上疏曰。方陛下不豫。海內皇皇。莫知所爲。陛下獨以祖宗後裔爲念。是爲宗廟社稷之慮。至深且

明也。昔太祖舍其子而立太宗。天下之大公也。真宗以

周王薨。

王名祐。真宗次子。生九年薨。追封周王。後追冊悼獻太子。

養宗子于宮中。天

下之大慮也。願以太祖之心。行真宗故事。拔近屬賢者。

優其禮秩。而試以政事。俟有聖嗣。復遣還邸。章累上。不

報。執政諭之曰。今間言已入。爲之甚難。鎮曰。事當論其

是非。不當問其難易。諸公謂今日難于前日。安知異日

不難于今日乎。凡見帝面陳者三。因泣下。帝亦泣。謂曰。

朕知卿忠。當更俟二三年。第前後章凡十九上。待命百

餘日。鬚髮皆白。朝廷知不可奪。乃罷知諫院。改糾察在

京刑獄。時并州通判司馬光亦言建儲事。且勸鎮以死

爭之。翰林學士歐陽修殿中侍御史包拯。景初

字中。之開。



封人趙抃知制誥吳奎劉敞等皆上疏力請于是文彥博富弼王堯臣等相繼勸帝早定大計皆不聽

六月大水社稷壇壞詔求直言

京師自四月大雨水注安上門門闕折壞官私廬舍數萬區諸路言江河決溢河北尤甚至是雨壞太社太稷壇詔羣臣實封言闕失而分遣使賑恤被傷者

秋七月彗出紫微垣至八月始滅

八月庚戌朔日食

罷狄青判陳州以韓琦為樞密使

狄青素行慎密即其平日不去面涅不祖梁公愿慙尤可概見若士卒指目矜誇誇馬足不過青善於恤下戎伍無知歡感發於

青在樞府每出入士卒輒指目以相矜誇至擁馬足不

得行又其家數有光怪會大水青避于相國寺行止殿上人情頗疑翰林學士歐陽修

不自覺耳。何至有意外之虞。慮其非國家之利乎。蓋是時朝臣皆怯懦之流。不識機權。而又輕視武途。不顯其位次。居上預存意見。於胸中猜疑隨處而起。非平允之論也。

言。青掌國機密。而得軍情。非國家之利。知制誥劉敞出知揚州。陛辭。亦言陛下幸愛青。不如出之以全其終。帝然之。乃以使相判陳州。

冬十一月。王德用罷。以賈昌朝爲樞密使。

德用將家子。習知軍中情僞。善以恩撫下。故多得士心。雖屢臨邊境。未嘗親矢石督戰。而名聞四夷。閭閻婦女小兒。亦呼爲黑王相公。

十二月。劉沆免。以曾公亮參知政事。

沆初以附張貴妃得進。數爲御史論列。沆深疾之。因上言。自慶歷後。臺諫官用事。朝廷命令之出。事無當否。悉論之。必勝而後已。專務扶人陰私。莫辨之事。以中傷士。



大夫執政畏其言進擢尤速請行御史遷次之格滿二

歲者與知州帝從之會御史范師道字貫之仲淹之姪趙抃歲

滿求補郡沆引格出之中丞張昇曰天子耳目之官而

宰相挾私斥之可乎上疏極言沆遂出知應天沆長子吏事然

任數善刺探權近過失陰持之以制輕取事

以包拯知開封府

拯立朝剛毅貴戚宦官爲之斂手聞者皆憚之以其笑

比黃河清童穉婦女亦知其名呼曰包待制京師爲之

語曰關節不到有閻羅包老

丁酉二年春二月祁公杜衍卒諡正獻

衍臨終作遺疏畧曰無以久安而忽邊防無以既富而

輕財用。宜早建儲副以安人心。語不及私。

以翰林學士歐陽修知貢舉。

帝切于求士。進士諸科。一舉而獲選者。至千三百餘人。士子習尚險怪奇澀之文。號太學體。張方平嘗言。文章之變與政通。邇來文格。日失其舊。各出新意。相勝爲奇。驅扇浮薄。重虧雅俗。非取賢斂才。備治具之意。雖下詔揭示。而士習不改。翰林學士歐陽修知貢舉。痛抑新體。凡爲時所推譽者。皆被黜。榜出。澆薄之士。俟修晨朝。聚譟于馬前。街司邏卒。不能禁止。然自是場屋之習。遂爲之變。是科。程顥。張載。朱光庭。蘇軾。蘇轍。曾鞏。皆及第。程顥。字伯淳。西洛人。張載。字子厚。長安人。朱光庭。字公弼。河南偃師人。蘇軾。字子瞻。眉山。人。蘇轍。字子由。軾之弟。曾鞏。字子固。南豐人。

是時文體大壞。以險怪奇澀相矜。人心澆薄。於此可見。歐陽修一舉而廓清之。牛鬼蛇神之派。由斯稍變。可謂力挽頹風。乃榜發而黜者聚譟馬前。士習之不淳。患更甚於文敝。爾時有司竟不加之懲治。何以維世風而飭士行耶。



三月。護國節度使同平章事狄青卒。諡武襄。

青爲人慎密寡言。其計事必審中機會而後發。行師先

正部伍。明賞罰。與士卒同饑寒勞苦。雖敵猝犯之。無一

士敢後先者。故數有功。嘗有持狄梁公畫像及告身詣

日。一時遭際。安敢自附。梁公厚贈其人而遣之。

夏四月。幽州地大震。

壞城郭。覆壓死者數萬人。

秋八月。詔諸州置廣惠倉。

初。天下沒入戶絕。官自粥之。至是。韓琦請留勿粥。募

人耕而收其租。別爲倉貯之。以給州縣之老幼貧疾。不

能自存者。謂之廣惠倉。以提刑領其事。歲終具出納之

數上三司。每千戶留田租百石。以是爲差。戶寡而田有餘。則粥如舊。

九月契丹來聘。遣翰林學士胡宿報之。

初契丹興宗遣使來求御容。會卒乃已。至是洪基復遣使來求。欲成先志。帝遣張昇報聘。且諭之曰。昔文成宗與

尊號弟也。弟先而兄。子禮爲順。况今南朝乃伯父之尊。中

當先致恭。于是復使其臣蕭扈以洪基像來。宿乃奉御

容如契丹。契丹主具儀仗迎謁。及瞻視。驚肅再拜。謂左

右曰。我若生中國。不過與之執鞭持蓋。一都處候耳。

冬十二月詔間歲一舉士。置明經科。

進士諸科待試京師者恒六七千人。一不幸有故。不應

彼時宋方畏契丹增歲。其政畧兵威。有何令契丹可懼。處而契丹主見像。驚拜。有都處候之歎。卽此不過宋臣自詡之言。無足信益可鄙耳。



詔往往沉淪十數年以此多毀行干進者王洙侍選英  
閣講周禮至三年大比帝曰古者選士如此今率四五  
歲一下詔故士有抑而不得進者孰若裁其數而屢舉  
也下有司議咸請易以間歲之法詔從之于是進士諸  
科悉解舊額之半增設明經試法凡明兩經或三經五  
經通入三經通六五經通五為合格兼以  
論語孝經策時務三條出身與進士等未幾以登第  
者驟致顯擢復下詔定其遷次之格以裁抑之

戊戌三年夏六月文彥博賈昌朝罷

彥博以老求罷以使相判河南封潞國公知諫院陳旭

字暘叔建陽人後避  
神宗嫌名改升之等恐昌朝遂代為相乃率僚屬上

言昌朝交通女謁建大第別剏客位以待宦者宦官有

矯制者。樞密院釋不治。昌朝竟出判許州。昌朝在侍從中。多得名譽。

及執政。始不爲正人所與。

以韓琦同平章事。宋庠。田況爲樞密使。張昇爲副使。

時羣臣皆以建儲爲言。帝依違不決。琦旣相。乘間進曰。皇嗣者。天下安危之所繫。自昔禍亂之起。皆由不早定。陛下何不擇宗室之賢。以爲宗廟社稷計。帝曰。後宮將有就館者。姑待之。已而又生女。琦懷漢書孔光傳以進曰。成帝無嗣。立弟之子。彼中材之主。猶能如是。况陛下乎。願以太祖之心爲心。則無不可者。帝不答。

以包拯爲御史中丞。

拯言東宮虛位日久。天下以爲憂。夫萬物皆有根本。而



太子者。天下之根本也。根本不立。禍孰大焉。帝曰。卿欲誰立。拯曰。臣非才。備位。所以乞豫建太子者。爲宗廟萬世計爾。陛下問臣欲誰立。是疑臣也。臣年七十。且無子。非邀後福者。帝喜曰。徐當議之。拯之知開封也。以威嚴陽修以龍圖閣學士。權知府事。簡易循理。不求赫赫之譽。有以包政勵之者。修曰。凡人才性不一。用其所長。事無不舉。疆其所短。勢必不逮。吾亦任吾所長耳。開封亦大治。

秋八月己亥朔日食。

己巳四年春正月丙申朔日食用牲于社。

二月更權茶法。

自茶爲官權。民私蓄盜販皆有禁。臘茶。

建州片茶也。宋制。茶有二類。曰

片。曰散。片茶惟建。劍。最爲精潔。之禁尤嚴。園戶困于征取。官司並緣侵

擾。因陷罪戾。至破產逃匿者。歲比有之。著作佐郎何昂。三班奉職王嘉麟。皆上書。請罷給茶本錢。縱園戶貿易。而官收租錢。與所在征算。歸權貨務。以償邊糴之費。可以疏利源。寬民力。富弼韓琦曾公亮然其策。請于帝行之。下三司議。三司言。茶課給本收利。所獲甚微。而煩擾爲患。園戶輸納。侵害日甚。小民趨利。犯法益繁。宜約歲入息錢之數。均賦于民。恣其買賣。所在收算。而不給本錢。遂詔弛舊禁。俾通商利。凡歲輸緡錢三十三萬八千有奇。謂之租錢。與諸路本錢。悉儲以待邊糴。自是惟臘茶禁如舊。餘茶肆行天下矣。論者又謂茶戶困于輸錢。良民賦不時入。刑亦及之。商賈利薄。販鬻者少。必至歲



額不登經費日蹙。翰林學士歐陽修知制誥劉敞皆請除前令。帝不聽。

夏四月。封周世宗後柴詠爲崇義公。

給田十頃。以奉周祀。從著作佐郎何鬲請也。

五月。除猜防大臣條約。

前兩制不許至執政私第。執政所薦士。不得充臺官。詔並除之。

秋七月。放宮人。

帝以月食幾盡。修陰教以應天變。前後出宮女幾五百人。時後宮得幸者十人。謂之十閤。而劉氏。黃氏。在十閤中。尤驕恣。通請謁。御史中丞韓絳密以聞。帝曰。非卿言。

朕不知也。當審驗之。遂并出二人。

田況罷。

況寬厚明敏。有文武材。好論天下事。言甚明切。以疾罷。  
冬十月。大祫于太廟。

帝將親祫。下禮官集議。東向之位。同判宗正寺趙良規。

字元甫。洛陽人。

請正太祖東向之位。而知太常禮院韓維。

字持國。億

第五

請如故事。虛東向之位。便時。禮官不敢決。乃與待

制以上。及臺諫官同議。太祖為受命之君。然僖祖以降。

四廟在上。故大祫止列昭穆。而虛東向。魏晉以來已用

此禮。詔從之。

十一月。汝南王允讓卒。追封濮王。

諡安懿。



允讓天資渾厚。內寬外莊。知太宗正寺二十年。宗子有  
好學者。勉進之以善。若不率教。則勸戒之。至不變。始正  
其罪。故皆畏服。及薨。以其子宗實育宮中。故卹典有加。  
召河南處士邵雍。字堯夫。河南人。不至。

雍少時。自雄其才。慷慨欲樹功名。于書無所不讀。始爲  
學。卽堅苦刻勵。寒不爐。暑不扇。夜不就枕者數年。旣而  
踰河汾。涉淮漢。周流齊魯宋鄭。久之。幡然來歸曰。道在

是矣。遂不復出。

初。北海李之才。受易于河南穆修。修受

才攝共城令。雍時居母憂于蘇門山。躬爨以養父。之才  
叩門來謁。勞苦之曰。好學篤志。果何似。雍曰。簡策迹外。  
未有適也。之才曰。君非迹簡策者。其如物理之學何。他  
日則又曰。物理之學。學矣。不有性命之學乎。雍再拜。願  
受業。之才遂授以河圖洛書伏羲八卦六十四卦圖象。  
雍由是探賸索隱。妙悟神契。玩心高明。深造曲暢。遂衍

伏羲先天之旨。著書十餘萬言。

李之才字挺之。青社人。共城注見前。蘇門山在衛輝府輝縣西北。寰宇記俗名五。

富弼司馬光呂公著

字晦叔。夷簡子。

諸賢居洛中。雅敬雍。

恒相從游。爲市園宅。雍德器粹然。人無貴賤少長。一接

以誠。故賢者悅其德。不賢者服其化。一時洛中人才特

甚。而忠厚之風聞天下。留守王拱辰薦雍遺逸。授將作

主簿。後復舉逸士。補潁州團練推官。皆固辭。乃受命。竟

稱疾不之官。

庚子五年夏四月。程戡免。以孫抃爲樞密副使。

戡與宋庠不合。數爭議于帝前。臺諫以爲言。帝不悅。殿

中侍御史呂誨

字獻可。端之孫。

復論戡結貴倖以致位。乃免。

置寬恤民力司。

民力羸絀。惟在地方大吏。隨時體察。入告上之人。酌



其情勢休離而安全之使  
幽隱不獲於上聞實澤不  
格於下達始得體恤之實  
若必待道官四出然後知  
民間疾苦則安藉司牧者  
之承流布德況所遣官屬  
其文未可盡信乎蓋虛  
名而無實濟徒見其紛張  
滋擾耳

詔置于三司。遣官分路訪寬恤民力事。

五月。召王安石。

字介甫。臨川人。

為三司度支判官。

安石好讀書。善屬文。曾鞏攜其所撰。以示歐陽修。修為

之延譽。擢進士上第。授淮南判官。故事。秩滿。許獻文求

試館職。安石獨否。調知鄞縣。

本漢鄞縣。五代吳越更名。今為浙江寧波府治。通

判舒州。文彥博為相。薦其恬退。乞不次進用。以激奔競

之風。歐陽修薦為諫官。安石皆以祖母年高辭。修以其

須祿養。復言于朝。召為羣牧判官。改度支判官。安石議

論高奇。能以辨博濟其說。果于自用。慨然有矯世變俗

之志。

于是上萬言書。其大要以為。今天下之財力日以困窮。風俗日以衰壞。患在不知法度。不法先王之

政故也。法先王之政者。法其意而已。法其意。則無所改易更革。不至乎傾駭天下之耳目。囂天下之口。而固以

合先王之政矣。因天下之力。以生天下之財。取天下之財。以供天下之費。自古治世。未嘗以財不足為患也。患在治財無其道耳。先是館閣之命屢下。安石輒辭不起。士大夫

謂其無意于世。恨不識其面。朝廷每欲畀以美官。惟患

其不就也。及赴是職。聞者莫不喜悅。

呂祖謙曰。安石變法之蘊。亦畧見于此。

此特其學不用于嘉祐。而盡用于熙寧。世道升降之機。識者于此三致意焉。

六月。契丹新置國子監。

契丹主白即位。求直言者再。復詔設學養士。頒五經傳

疏。置博士助教各一人。

秋七月。歐陽修等上新唐書。

先是。帝以劉昫等所譏唐史卑弱淺陋。命翰林學士歐陽修端明殿學士宋祁刊修之。曾公亮提舉其事。十有



七年而成。凡二百二十五卷。事增于前。文省于舊。修撰

表。祁譔傳故事。每書首。止列官尊者一人。修以祁為先進。且于唐書功多。故各著其名。以自異。

浚二股河。商胡決河之別派也。以其自決河岐出。故名二股。續綱目于是年正月。書鑿二股河。考宋史

河渠志。是年河決二股。七月。韓贊疏請修浚。非正月也。今改正。

自李仲昌治商胡決河。塞而復決。事見前。至是。河流派別

于魏之第六埽。在今大名府南樂縣界。曰二股河。行魏恩德博之

境。亦曰四界首河。自決河至四界首。行百三十里。河北都轉運使韓贊

字獻之。齊州人。言四界首。古大河。即王莽河。水經注謂五季周顯德初。李穀治所經。今

宜浚二股。于此分流入赤金河。楊劉決河。其不復故道

者。離而為赤河。及游金。一河。故道在東平平原間。今湮沒不可考。為利可必。商胡決河。

北自乾寧入海。是為北流。二股河。東至德滄入海。是為東流。分而

為二則上流不壅可無決溢之患詔如其策浚二股役入赤金

三千人幾月而畢考宋史河渠志是年韓贄請浚二股至英宗治平元年始命都水監浚治

并浚五股河與韓贄傳所載不同續綱目從贄傳今依之又河渠志神宗熙寧元年河決恩冀二年從都水監丞宋昌言內侍程昉議開二股以導東流才及六分而

北流閉既而河自其南四十里東決汜濫大名恩德滄永靜五州軍境三年令河北轉運使開修二股上流至

五年四月河始成續綱目宋元通鑑但載恩冀之決而東北流開閉俱不載今并注于此

宋昌言字仲謨綬族子

冬十一月宋庠免以曾公亮為樞密使張昇孫抃叅知政

事歐陽修陳旭趙概為樞密副使

庠前後所至以慎靜為治然愛信幼子縱其與小人遊

殿中侍御史呂誨論庠昏惰乃罷判鄭州

辛丑六年春三月起復富弼同平章事弼固辭許之



陳旭庸碌小人去留本無足惜但仁宗既云選用執政不容內臣預議則旭無庸罷之罪而臺垣捕風捉影以傾軋宰臣安知不出讐害所當究其曲直使道情乃兩罷之為調停之計豈正道哉

獨以母喪去位。詔為罷春宴。故事。執政遭喪皆起復。帝虛位五起之。弼固請終制。且曰。起復。金革之變。禮不可施于平世。帝乃許之。

夏四月。陳旭罷。以包拯為樞密副使。

知諫院唐介。趙抃。御史范師道。呂誨。上疏論旭陰結宦者。故得大用。帝曰。朕選用執政。豈容內臣預議邪。乃兩罷之。旭知定州。介等亦外補。

六月壬子朔。日食。

司天言當食六分之半。食四分而雨。羣臣欲援至和例稱賀。同判尚書禮部司馬光言。日之所照。周徧華夷雲之所蔽。至為近狹。雖京師不見。四方必有見者。天意若

曰。人君爲陰邪所蔽。災慝甚明。天下皆知其憂危。而朝廷獨不知也。食不滿分者。乃歷官術數不精。當治其罪。亦非所以爲賀也。帝從之。

以司馬光知諫院。

光以三劄子上。其一論君德有三。曰仁。曰明。曰武。

仁者以爲

非嫗煦姑息之謂。興教化。修政治。養百姓。利萬物。此人君之仁也。明者。非煩苛伺察之謂。知道誼。識安危。別賢愚。辨是非。此人君之明也。武者。非疆亢暴戾之謂。惟道所在。斷之不疑。奸不能惑。佞不能移。此人君之武也。陛下天性慈惠。子育元元。雖古聖王無以過。然踐阼垂四十年。而朝廷紀綱。猶有虧缺。閭里窮民。猶有怨歎。意者羣臣不能宣揚聖化。將陛下之于三德。萬分一亦有所未盡歟。臣伏見陛下推心御物。羣臣有所敷奏。陛下不復詢訪利害。一皆可之。誠使臣皆忠正。則其善矣。或有一姦邪在焉。豈可不爲寒心哉。其二論致治之道有三。曰任官。曰信賞。曰必罰。

以爲國家御羣臣之道。累日月以進秩。循



宋人動輒奏辭某官惡習  
相仍不復知有致身大義  
安石新進小臣乃齎勅就

資塗而授任。苟日月積久。則不問其人之賢否。而實高  
位。資塗相值。則不問其人之能不。而居重職。非特如是  
而已。國家采名不采實。誅文不誅意。夫以名行賞。則天  
下飾名以求功。以文行罰。則天下巧文以逃罪。願陛下  
慎選在位之士而用之。有功則增秩加賞。而勿徙其官。  
無功則降黜廢棄。而更求能者。有罪則流竄刑誅。而勿  
加寬貸。其三言養兵之術。務精不務多。帝以其一留中。其  
二下中書。其三下樞密院。光又進五規。曰保業。惜時。遠  
謀。謹微。務實。又言故事。凡臣僚上殿奏事。悉屏左右內  
臣。今內臣不過去御坐數步。君臣對問之言。皆可聽聞。  
恐漏泄機事。非便。帝皆嘉納。詔自今止令御藥侍臣及  
扶侍四人立殿角。以備宣喚。餘悉屏之。

以王安石知制誥。

安石自度支判官。改同修起居注。辭之累日。閣門吏賁

付堅拒不已甚且避之于  
廁不恭實甚迨徑除制誥  
遂不更辭則其狡黠邀榮  
心事畢露乃仁宗與在廷  
諸臣方且想望丰采惟恐  
其不就何其慎也

勅就付之。拒不受。吏隨而拜之。則避于廁。吏置勅于案  
而去。又遣還之。上章至八九。乃受。及徑除知制誥。遂不  
復辭。

秋八月。以曾公亮同平章事。張昇爲樞密使。胡宿爲副使。  
宿爲人清慎忠實。臨事不妄發。旣發。亦不可回。其當重  
任。尤能顧惜大體。羣臣多務更張革弊。宿曰。變法。古人  
所難。不務守祖宗成法。而徒紛更。無益于治也。

閏月。策賢良方正直言極諫之士。

王介

字仲父。衢州人。

蘇軾蘇轍皆在舉中。轍對切直。胡宿力請

黜之。帝不許。曰。以直言召人。奈何以直棄之。乃收入第  
四等。王安石意轍右宰相。專攻人主。比之召永。不肯譏



詞韓琦曰此人謂宰相不足用欲得晏師德郝處俊而  
用之尚以谷永疑之乎改命沈遘字文通爲之詞時有  
人院無得申請改除文字安石爭之曰審如是則舍人  
不得復行其職而一聽大臣所爲今大臣之弱者不敢  
爲陛下守法而彊者則挾上旨以造令諫官御史無敢  
逆其意者臣實懼焉語皆侵執政執政者不悅會以母  
喪遂去職

以歐陽修叅知政事。

時韓琦爲首相法令典故問曾公亮文學之事問修。三  
人同心輔政百官奉法循理朝廷稱治修以兵民官吏  
財利之要中書所當知者集爲總目遇事取視之不復  
求諸有司。

冬十月起復宗實知宗正寺固辭不拜。

羣臣以儲位未建爲憂。言者雖切。而帝未之允。司馬光上疏曰。向者臣進豫建太子之說。意謂卽行。今寂無所聞。此必有小人言陛下春秋鼎盛。何遽爲此不祥之事。小人無遠慮。特欲倉卒之際。援立其所厚善者耳。定策國老。門生天子之禍。可勝言哉。帝大感動曰。送中書。光見韓琦等曰。諸公不及今定議。異日禁中夜半出寸紙。以某人爲嗣。則天下莫敢違。琦等拱手曰。敢不盡力。時知江州呂誨亦上疏言之。及琦入對。以光誨二疏進讀。帝遽曰。朕有意久矣。誰可者。琦皇恐對曰。此非臣輩所能議。當出自聖擇。帝曰。宮中嘗養二子。小者甚純。近不慧。大者可也。琦請其名。帝曰。宗實。琦等遂力贊之。議乃



定宗實天性篤孝。好讀書。不爲燕嬉褻慢。服御儉素。如儒者。時居濮王喪。乃起復知宗正寺。琦曰。事若行。不可中止。陛下斷自不疑。乞內中批出。帝意不欲宮人知。曰。只中書行足矣。命下。宗實固辭。乞終喪。帝復以問琦。琦對曰。陛下旣知其賢而選之。今不敢遽當。蓋器識遠大。所以爲賢也。願固起之。帝曰然。

壬寅七年春三月。孫抃罷。以趙槩參知政事。吳奎爲樞密副使。

抃年老善忘。于事無所可否。御史韓縝言之。遂罷爲觀文殿學士。

夏四月。樞密副使包拯卒。

諡孝肅。

拯性峭直耿介。與人不苟合。不一毫妄取。平居無私書。故人親黨干謁。一切絕之。然惡吏苛刻。務敦厚。于人未嘗不恕。其飲食服用。喜儉樸。雖貴如布衣時。卒贈禮部尚書。

秋八月立宗實爲皇子。賜名曙。九月進封鉅鹿郡公。

宗實旣終喪。韓琦言宗正之命初出。外人皆知必爲皇子。不若遂正其名。帝從之。琦至中書。召翰林學士王珪。字禹玉。華陽人。草詔。珪曰。此大事也。非面受旨不可。明日請對。曰。海內望此舉久矣。果出自聖意乎。帝曰。朕意決矣。珪

再拜賀。始退而草詔。詔下。宗實復稱疾固辭。章十餘上。

記室周孟陽請其故。宗實曰。非敢徼福。以避禍也。孟陽曰。今已有此迹。設固辭不受。中人別有所奉。遂得燕安。



辭不貲之富所見何淺司  
馬光此言失之甚矣然則  
貲宗貴得不貲之富者又  
何等人乎

無患乎。宗實始悟。周司馬光言于帝曰。皇子辭不貲  
之富。至于旬月。其賢于人遠矣。然父召無諾。君命召不  
俟駕。願以臣子大義責之。宜必入。帝從之。宗實遂受命。  
將入宮。戒其舍人曰。謹守吾舍。上有適嗣。吾歸矣。因肩  
輿赴召。良賤不滿三十人。行李蕭然。唯書數厨而已。中  
外相賀。

冬十月。賜諸路錢。助糴常平倉。

詔天下常平倉。多所移用。而不足以支凶年。其令內藏  
庫三司。共出緡錢一百萬。下諸路助糴之。

癸卯八年春。二月。帝崩。夏四月朔。皇子鉅鹿公曙即位。  
尊皇后爲皇太后。赦。  
是爲英宗

先是二月帝不豫中書樞密奏事于福寧殿之西閣至

是辛未夜帝崩于福寧殿

帝恭儉仁恕有司嘗請以玉清舊址爲苑帝曰吾奉先帝

苑囿猶以爲廣何以是爲燕私常服浣濯帷帟衾裯多用繪絀嘗中夜飢思燒羊戒勿宣索曰恐膳夫自此戕賊物命以備不時之需大辟疑者皆令上讞歲活千餘人每諭輔臣曰朕未嘗詈人以死况敢濫用刑乎及崩

遣制皇子卽皇帝位

于是皇后悉斂諸門鑰寘于前黎明召皇子

入以遺詔令嗣位皇子驚再言曰曙不敢爲因反走韓

琦等共掖留之四月朔皇子卽位欲諒陰三年令琦攝

冢宰宰臣不可乃止

帝有疾詔請皇太后權同聽政

帝得暴疾詔請皇太后權同處分軍國事太后乃御內東

門小殿垂簾宰臣日奏事太后性慈儉頗涉經史多援以



爾時所謂諸正人者不嘗  
斥昌朝交通女謁乎而  
此所立皇后高氏之母固  
曹太后之姊也爲交通爲  
不交通且力贊濮王子入  
繼又何以對昌朝哉

決事。中外章奏日數十上。一一能記綱要。有疑未決者。  
則曰。公輩更議之。未嘗出已意。檢視曹氏及左右臣僕。  
毫分不以假借。宮省肅然。

立皇后高氏。

后。侍中瓊之曾孫。母曹氏。太后姊也。少育宮中。既出  
宮。婚于濮邸。封京兆郡君。至是。冊爲皇后。

五月。以富弼爲樞密使。

秋七月。帝疾瘳。

帝疾甚。舉措或改常度。遇宦者尤少恩。左右多不悅。乃  
共爲讒間。兩宮遂成隙。內外恟懼。知諫院呂誨上書兩  
宮。開陳大義。詞旨深切。多人所難言者。而兩宮猶未釋。

然。一日韓琦歐陽修奏事簾前。太后嗚咽流涕。具道所以。琦曰。此病故爾。疾已必不然。子疾母可不容之乎。后意不解。修進曰。太后事先帝數十年。仁德著于天下。昔溫成之寵。太后處之裕如。今母子間。反不能容邪。后意稍和。修復曰。先帝在位久。德澤在人。故一日晏駕。天下奉戴嗣君。無敢異同者。今太后一婦人。臣等五六措大耳。非先帝遺意。天下誰肯聽從。后默然久之。琦進曰。臣等在外。聖躬若失調護。太后不得辭其責。后驚曰。是何言。我心更切也。同列聞者。莫不流汗。後數日。琦獨見帝。帝曰。太后待我少恩。琦對曰。自古聖帝明王。不爲少矣。獨稱舜爲大孝。豈其餘盡不孝哉。父母慈而子孝。此常



事不足道。惟父母不慈。而子不失孝。乃為可稱。但恐陛

下事之未至耳。父母豈有不慈者哉。帝大感悟。帝自六月不御

殿至是初御紫宸殿。見百官。琦因請乘輿禱雨。具素服以出。人情大安。帝命侍臣講讀于邇英閣。翰林侍講學士劉敞進讀史記。至堯授舜以天下。拱而言曰。舜至側陋。堯禪之以位。天下享之。百姓戴之。非有他道。惟孝友之德。光于上下耳。帝悚然改容。太后聞之。亦大喜。兩宮之疑盡釋。

契丹耶律重元反。兵敗自殺。

契丹主尊寵其叔重元。甚至賜以金券。免拜不名。而重

元陰懷異圖。是月。契丹主如太子山。方輿紀要。山在故大寧衛西南。重

元子楚王尼嚕固。小字伊囉幹。尼嚕固舊作涅魯。古伊囉幹舊作耶魯。綰今並改。與

樞密同知蕭呼都克。字伊遜。孝穆之姪。呼都克舊作胡覲。伊遜舊作乙辛。今並改正。

等四百人謀作亂。敦睦宮使耶律良上變。契丹主召南

院樞密使耶律仁先語之。且急召尼嚕固。仁先曰。此曹

凶逆。臣固疑之。陛下宜謹爲備。臣請帥衛士討之。尼嚕

固聞召。知事泄。遂誘脅弩手軍。犯帷殿。仁先使北院樞

密使耶律伊遜

字呼圖克。五院部人。舊作胡覩袞。今改。

等率宿衛士卒數

千人。與尼嚕固戰。賊衆多降。尼嚕固躍馬突出。近待渤

海阿蘇

舊作阿蘇。今改。

等射殺之。重元被傷退。其黨遂奉重元

僭位。以呼都克爲樞密使。率奚人二千薄行宮。會五院

部節度蕭塔喇

舊作塔喇。今改。

聞召。領兵至。仁先俟賊氣沮。背

營而陣。乘便奮擊。塔喇自外擾之。賊大奔。追殺二十餘

里。重元走大漠自殺。黨與皆伏誅。契丹主執仁先手曰。

平亂皆卿之力也。加尚父進封宋王。伊遜等加賞有差。



冬十月葬永昭陵

在河南府鞏縣西南定陵西北

史臣曰。仁宗在位四十二年之間。吏治若媿倚而任事。茂殘刻之人。刑法似縱弛。而決獄多平允之士。國未嘗無弊倖。而不足以累治世之體。朝未嘗無小人。而不足以勝善類之氣。君臣上下。惻怛之心。忠厚之政。所以培壅國基者厚矣。子孫一矯其所為。遂馴致于亂。傳曰。為人君。止于仁。帝無愧焉。

英宗皇帝

甲辰治平元年夏五月太后還政于帝。加韓琦尚書右僕射。

帝疾大瘳。琦欲太后撤簾還政。乃取十餘事稟帝。帝裁決悉當。琦即詣太后覆奏。后每事稱善。琦因白后求去。后曰。相公不可去。我當居深宮耳。遂起。琦即厲聲命鑾儀司撤簾。簾既落。猶于御屏後見后衣也。帝親政。加琦右僕射。

琦撤簾事成於俄頃不動聲色。而太后還政深得歸矣。之道至云簾既落。猶於屏後見衣。不過極言撤之速耳。在當時記載者固無須如此形容。而張時泰作

廣義遂以此為倉繼權位  
之証迂儒不善讀書未免  
有意苛求矣

六月增置宗室學官

舊制諸王宮教授無定員至是封皇子頊為潁王以王

陶字樂道萬年人邵亢字興宗丹陽人等為翊善記室因增置教授官

以教皇族年十四以下者凡二十七員先是司馬光言

雖為皇子伴讀若不旬日得見或見而遽退語言不洽  
志意不通教者止于供職學者止于備禮而左右前後  
侍御僕從或有佞邪讒巧之人雜處其間雖皇子資性  
端慤難移然親近易習積久易遷雖有碩儒端士為之  
師傅終無益也臣願陛下博選學行之士使日與皇子  
居處燕游講論道義其侍御僕從邪佞讒巧之人誘導  
為非者委伴讀官糾舉即時斥逐若皇子自有過失規  
誨不從亦聽以聞如此則進德修業日就月將善人益  
親邪人益疎天下之幸也帝嘉納之還有是命

秋八月內侍任守忠有罪竄蘄州

初莊獻太后臨朝守忠與都知江德明等又通請謁仁



宗親政。謫監英州酒稅。復累遷至宣政使。入內都知。仁宗以未有儲嗣。屬意于帝。守忠建議。欲援立昏弱。以邀大利。及帝卽位。又乘帝疾。交構兩宮。知諫院司馬光論守忠離間之罪。國之大賊。乞斬于都市。呂誨亦上疏論之。帝納其言。翌日。韓琦出空頭敕一道。歐陽修已簽。趙槩難之。修曰。第書之。韓公必自有說。旣而琦坐政事堂。召守忠立庭下。曰。汝罪當死。遂責蘄州安置。取空頭敕填與之。卽日押行。琦意以爲少緩。則中變也。其黨史昭錫等。悉竄南方。中外快之。

九月。詔日開經筵。

重陽節。當罷講。呂公著司馬光言。先帝時。無事常開經

招集義勇本期適用惟貴簡練精熟豈在伍籍之多無端而接戶索丁遍刺手背士勇未厲而民先驚擾豈安邊固圉之道且紀律疎畧不堪行陣雖多亦奚以爲卽云兵貴先聲而無制勝之責徒爾號稱十萬恐敵人聞之不能生懼而轉爲所輕琦素號知兵此舉實爲失當司馬光所論

筵近以聖體不安遂于端午及冬至後盛暑盛寒權罷數月今陛下初政清明宜親近儒雅講求治術願不惜頃刻之間日御講筵從之

### 復武舉

冬十一月刺陝西民爲義勇軍

韓琦言唐置府兵最爲近古今之義勇河北幾十五萬河東幾八萬勇悍純實若稍加簡練亦唐之府兵也河北陝西三路當西北控禦之地事當一體今若于陝西諸州刺手背以爲義勇甚便乃命徐億等往籍陝西主戶三丁之一刺之凡十五萬六千餘人人賜錢二千民情驚擾而紀律疎畧不可用知諫院司馬光上疏力



殊中事理琦寧辨不從  
實不免護短矣

諫不聽。光至中書。與韓琦辨。琦曰。兵貴先聲。諒祚方桀  
驚。使驟聞益兵二十萬。豈不震懼。光曰。兵貴先聲。為其  
無實也。獨可欺于一日之間耳。今吾雖益兵。實不可用。  
不過十日。彼將知其詳。尚何懼。琦曰。君但見慶厯間鄉  
兵刺為保捷。事見前。憂今復然。已降敕與民約。永不充軍。  
遣戍邊矣。光曰。朝廷嘗失信于民。未敢以為然。琦曰。吾  
在此。君無憂。光曰。公長在此地可也。異日他人當位。用  
以運糧戍邊。反掌間耳。琦不從。竟為陝西之患。

十二月。吳奎罷。以王疇

字景彛。濟陰人。

為樞密副使。

奎居喪。毀瘠廬墓。固辭起復。疇厲風操。喜言事。未幾卒。

吐蕃木征。

宋史英宗紀。作瞎沁密藏。舊作瞎欺米征。今改。

乞內附。

續綱目作木征。以河州內附。宋

元通鑑同。考宋史吐蕃傳及王韶傳未征叛服不常此雖  
乞附並未舉州內屬至熙寧六年始復河州七年未征來  
降。今依本紀于此止  
書乞附以著其實。

初。宜勒斯賚娶李立遵女。生轄戢。舊作轄。今改。及穆爾章嘉。

舊作磨。今改。又娶喬氏。生董戢。舊作董。今改。李氏寵衰。斥為尼

于廓州。而錮其二子。二子乃結母黨李巴全。竊母奔宗

噶爾城。宜勒斯賚不能制。穆爾章嘉因撫有其眾。寶元

中。穆爾章嘉死。部人立其子轄爾薩策丹。舊作轄撒。今改。李

氏懼孤弱不能守。乃復屬宜勒斯賚。轄戢仍居龕谷。宋初

吐蕃地。後于此置砦。金為縣。而死。有二子。長曰木征。居

河州。少曰轄烏爾戢。舊作轄。今改。居銀川。在蘭州府西北。而董

戢與母別居哩正。舊作歷。今改。城在河州西。號令嚴明。人憚服之。

精。今改。



有衆六萬日以盛彊獨有河北之地。且勒斯資所部。由是遂分。至是不征率其衆求內附。

以內侍爲陝西諸路鈐轄。

帝遣王昭明等四人體量軍情。治其詞訟。有賞罰則與其帥議大事以聞。各許歲乘驛奏事。諫官呂誨言。唐舉兵不利。未有不自監軍者。我朝因循未革。奈何又增置此員。其權與安撫使均矣。乞罷之。精選帥臣。專制閫外。傳堯俞。字欽之。濟源人。趙瞻。字大觀。永城人。皆有論列。不聽。

乙巳二年春二月。罷三司使蔡襄。

帝自濮邸立爲皇子。聞近臣中有異議。

先是皇太后聽政。爲輔臣言。先

帝旣立皇子。宦妾更加熒惑。而近臣知名者亦然。幾敗大事。近已焚其章矣。人疑爲襄。及是。

帝問襄爲何如人韓琦等爲救解帝意不回襄請罷遂

命出知杭州

襄精吏事談笑剖決吏不能欺嘗知泉州距州二十里萬安渡絕海而濟襄立石爲

梁長三百六十丈又植松七百里以庇道路閩人賴之仁宗愛其書法常令書碑版而溫成后父碑則辭不書後卒乾道中謚忠惠萬安橋一名洛陽橋在今泉州府晉江縣東北有襄手書碑

三月行明天歷

判司天監周琮等所造也

夏四月詔議崇奉濮王典禮

穆宗崇奉濮王事由韓琦等申請且所議並非加尊帝號更無嫌疑凌僭之虞必執爲人後者不得復顧私親以相辨折既與大記所云不合使濮王尚在又將何以處之乎且以本生

初知諫院司馬光以帝必將追隆所生嘗因奏事言漢宣帝爲孝昭後終不追尊衛太子史皇孫光武上繼元帝亦不追尊鉅鹿南頓君此萬世法也旣而韓琦等言禮不忘本濮安懿王德盛位隆所宜尊禮請下有司議



之親改稱伯父固非所安而加皇於伯名亦不正王珪司馬光之說並無經傳可據徒以強詞爭執自不若歐陽修援引禮經之爲得也

王及夫人王氏韓氏仙遊縣君任氏今行典禮用宜稱情。帝令須大祥後議之。至是詔禮官與待制以上議翰林學士王珪等相視莫敢先發。司馬光獨奮筆立議。畧云。爲人後者爲之子。不得顧私親。若恭敬之心分于彼。則不得專于此。秦漢以來帝王有自旁支入承大統者。或推尊其父母以爲帝后。皆見非當時。取譏後世。臣等不敢引以爲聖朝法。况前代入繼者多宮車晏駕之後。援立之策。或出臣下。非如仁宗皇帝年齡未衰。深惟宗廟之重。于宗室中簡推聖明。授以大業。陛下親爲先帝之子。然後繼體承祧。光有天下。濮安懿王雖于陛下有天性之親。顧復之恩。然陛下所以負宸端冕子孫萬世。

相承皆先帝德也。臣等竊以爲濮王宜準先朝封贈期親尊屬故事。尊以高官大國。譙國。襄國。仙遊。並封太夫人。攷之古今。爲宜稱。于是珪卽命吏具以光手藁爲據。議上。中書奏珪等所議。未見詳定。濮王當稱何親。名與不名。珪等議。濮王于仁宗爲兄。于皇帝宜稱皇伯而不名。歐陽修引喪服大記。以爲爲人後者。爲其父母降服三年爲期。而不沒父母之名。以見服可降而名不可沒也。若本生之親。改稱皇伯。歷攷前世。皆無典據。進封大國。則又禮無加爵之道。請下尚書。集三省御史臺議。而太后手詔詰責執政。帝乃詔曰。聞典禮集議不一。權宜罷之。令有司博求典故以聞。



琦弼皆時所稱公忠體國之人同在政府氣味何至差池於事正宜和衷共濟乃琦既不相諮詢未免自專弼竟見於辭色度量亦狹任私意而忘大義公忠體國之人固如是乎

詔皇子及宗室卑屬勿授師傅官。

時封皇子並除檢校師傅中丞賈黯以爲子爲父師于義未安故有是詔。

秋七月富弼張昇罷。

嘉祐中韓琦與弼同相或中書有疑事往往與樞密謀之自弼使樞密非得有合議琦未嘗詢弼弼頗不懌及太后還政弼大驚曰弼備位輔佐他事固不可預聞此事韓公獨不能共之邪或以咎琦琦曰此事當如出太后意安可顯言于衆弼愈不懌及帝親政加弼戶部尚書弼辭曰制詞取嘉祐中嘗議建儲推恩此特絲髮之勞何足加賞仁宗太后至陛下有天地之恩尚未聞所

以爲報。可謂倒置。再奏不聽。乃受。至是以足疾力求解  
政。章二十餘上。遂以使相鄭國公判揚州。未幾徙判汝  
州。昇請老。帝曰。太尉勤勞王家。詎可遽去。但命五日一  
至院。進見。毋蹈舞。司馬光亦疏昇忠謹清直。請留于朝。  
而昇求去益力。乃判許州。先是韓琦曾公亮欲遷歐陽  
修爲樞密使。將進擬。修覺其  
意。謂之曰。今天子諒陰。母后垂簾。而二三大  
臣自相位置。何以示天下。琦等服其言而止。

以文彦博爲樞密使。呂公弼爲副使。

旁友入承大統本無德怨  
可言若必沽挾援立私  
恩曲行酬報自處已爲不  
廣矣宗以富強嘗有建儲  
之語亟予遷官又以文彦  
博向曾推立深加眷念而  
蔡襄則以疑似小嫌一廢  
出守豈示天下爲公之最

彦博自河南入覲。帝曰。朕之立。卿之功也。彦博竦然對  
曰。陛下入繼大統。乃先帝意。皇太后協贊之力。臣何功  
之有。且其時。臣方在外。皆韓琦等承聖志。受顧命。臣無  
預焉。因避謝。不敢當。帝曰。趙鼎卿西行。卽召還矣。乃改



邪則向之稱疾固辭實非  
本意矣

判永興軍。遂召為樞密使。

公阿先為羣牧使時帝居落  
得賜馬頗劣欲易不可至是

帝謂公弼卿曩歲不與朕馬固已  
知卿矣乃以權三司使進副樞密

八月京師大水詔求直言

京師大雨平地涌水壞官私廬舍漂人民畜產不可勝  
計。是日帝御崇政殿宰相而下朝參者十數人而已詔  
開西華門以洩宮中積水水奔激東殿侍班屋皆摧沒  
人多溺死官為葬祭其無主者千五百八十人下詔責  
躬求言且命罷宴減膳禱于山川司馬光上疏極論時  
事。畧云陛下即位以來災異甚衆日有黑子江淮之水  
或溢或涸去夏霖雨涉秋不止老弱流離積尸成邱  
今夏疫癘大作彌數千里秋收未獲暴雨大至都城之  
內道路乘桴官府民居覆沒殆盡死于壓溺者不可勝  
計陛下安得不側身恐懼思其所以致此者乎又曰先  
帝擢陛下于衆人中升為天子惟以一后數公主託陛

下。而梓宮在殯。已久。太后歡心。長公主數人。并居閑宮。此陛下所以失人心之始也。又曰。凡百奏請。不肯與奪。知人之賢。不能舉。知人不肖。不能去。知事之非。不能改。知事之是。不能從。此天下所以重失望也。又曰。臺諫。天下之耳目。其有所言。當以聖意察其是非。不宜一付之大臣。帝嘉納之。

冬十一月。吐蕃貢勒斯賚死。

以其子董戩為保順節度使。

丙午三年春正月。翰林學士范鎮罷。

韓琦求去。鎮草批答。引周公不之魯為辭。帝不悅。鎮遂

請外。罷知陳州。時論或謂鎮以議濮王追崇事忤歐陽修。修為帝言。鎮以周公待琦。是以孺子

待陛下。鎮之出。修之為也。

契丹復改國號曰遼。此後契丹復改書遼

詔稱濮王為親立園廟。謫侍御史呂誨等于州縣。

范鎮引伊周以况琦固屬過譽然謂即以孺子待其君則歐陽修挾漢議微嫌有心排擠耳



濮王崇奉之議久而未定。侍御史呂誨字堯夫范純仁字淹子

監察御史呂大防

字微仲。長安人。

引義固爭。以爲王珪議是。乞

從之。章七上而不報。遂劾韓琦專權導諛罪。又共劾歐

陽修首開邪議。以枉道說人主。以近利負先帝。陷陛下

于過舉。而韓琦曾公亮趙槩附會不正。乞皆貶黜。不報。

時中書亦上言。請明詔中外。以皇伯無稽。決不可稱。今

所欲定者。正名號耳。至于立廟京師。于亂統紀之事。皆

非朝廷本意。帝意不能不嚮中書。然未卽下詔也。旣而

皇太后手詔中書。宜尊濮王爲皇。夫人爲后。皇帝稱親。

帝下詔謙讓。不受尊號。但稱親。卽園立廟。以王子宗樸

爲濮國公。奉祠事。仍令臣民避王諱。時論以爲太后之追崇。及帝之謙讓。

人臣論事是非可否惟當

衷之於理卽所言不見聽  
納亦當割切婉陳以伸已  
意若不合則去止圖沽一  
已虛名已乖忠盡之義呂  
誨乃顯言與輔臣勢難兩  
立力辭臺職則是門戶之  
見橫據於中不復計政事  
之有無裨益明季言路惡  
習接踵相仍此其濫觴矣

皆中書之謀也。于是呂誨等以所論奏不見聽用。繳納御史敕告家居待罪。帝命閤門以告還之。誨力辭臺職。且言與輔臣勢難兩立。帝以問執政琦。修等對曰。御史以爲理難並立。若臣等有罪。當留御史。帝猶豫久之。命出御史。乃下遷誨知蘄州。純仁通判安州。大防知休寧縣。本休陽。隋更名。今屬時趙鼎趙瞻傳堯俞使遼還。以嘗與呂誨言徽州府濮王事。卽上疏乞同貶。乃出鼎通判淄州。瞻通判汾州。帝眷注堯俞。獨進除侍御史。堯俞曰。誨等已逐。臣義不當止。帝不得已。命知和州。知制誥韓維及司馬光皆上疏乞留誨等。不報。遂請與俱貶。亦不許。侍讀呂公著言。陛下卽位以來。納諫之風未彰。而屢誡言者。何以風天下。帝不聽。公著乞補外。乃出知蔡州。誨等旣出。濮議亦寢。



三月彗星見西方。

如太白長丈有五尺。又孛于畢如月。

夏四月胡宿罷以郭逵

字仲通邢州人

同簽書樞密院事

逵少隸范仲淹麾下

逵嘗議取靈武非計已而任福果戰歿又論葛懷敏必敗人皆服其

先見累功遷檢校太保同簽書樞密院事知諫院邵亢等

交章言祖宗朝樞府叅用武臣如曹彬父子馬知節王

德用狄青勲勞爲天下所稱則可逵黠佞小才豈堪大

用不報

夏人寇邊環慶經畧使蔡挺

字子政宋城人

擊走之

先是夏主諒祚遣吳宗來賀卽位宗語不遜詔諒祚懲

約宗諒祚不奉詔而出兵秦鳳涇原抄熟戶擾邊塞殺

掠人畜以萬計。遂寇大順城。

并下柔遠。金湯。注俱見前。

環慶經畧使

蔡挺使蕃官趙明擊之。諒祚衷銀甲氍帽督戰。挺先遣

彊弩列壕外。注矢下射。諒祚中流矢遁去。徙寇柔遠。挺

又使副總管張玉

字寶臣。保定人。

以三千人夜出擾營。賊驚潰。

退屯金湯。聲言益發十萬騎圍大順。會朝廷發歲賜銀

幣。知延州陸詵

字介夫。餘杭人。

曰。朝廷積習姑息。故虜敢狂悖。

不稍加折誚。則國威不立。因留止不與。移牒宥州問故。

諒祚遂大沮。盤桓塞下。因遣使謝罪。言邊吏擅興兵。行

且誅之。

初諒祚入寇。韓琦議停其歲賜。絕其和市。遣使問罪。文彥博難之。舉寶元。康定時事。琦曰。諒祚

狂童。非有元昊智計。而吾邊備過當時遠甚。亟詰之。必服。會陸詵策與琦合。而諒祚果歸款。帝顧琦曰。一如卿

料也。

夏人桀驁皆宋厚。縱成之諒祚。猶不及元昊正。宜乘其寇邊。絕其歲賜。問罪。致討。亦何不可。乃諉罪邊吏。遽以歸款。而苟安目前。失機會。而昧遠圖。宋之不振。甚矣。



秋九月壬子朔日食。

詔宰臣舉館職。

爵秩錫自朝廷非臣下所  
宜私計若必以臺閣禁從  
爲榮顯豈其他職任皆不

帝謂中書曰。水潦爲災。言事者云。咎在不能進賢。何也。  
歐陽修曰。近年進賢路狹。往時進士五人以上。皆得試  
館職。第一人及第。不十年卽至輔相。今第一人兩任方  
得試。而第二人以下。無復得試。往時大臣薦舉卽召試。  
今止令上簿。候闕人乃試。唯有因差遣例除者。半是年  
勞老病之人。此所謂進賢路狹也。帝因命韓琦等舉士。  
得二十人。皆令召試。琦等以人多難之。帝曰。苟賢。豈患  
多也。乃先召試十人。餘須後試。時士人以登臺閣。世禁  
遲速爲榮滯。故爲之語曰。寧  
登瀛。不爲卿。寧抱槩。不爲監。

足以彰寵命而國家建官授政又豈專爲臣僚矜耀地乎乃俗尚波靡至有不爲卿監之語絕不以當官盡職爲念世風日替亦甚負好爵之廢矣

冬十月以郭逵爲陝西四路宣撫使。

自呂餘慶以叅知政事知成都其後見任執政無守藩者至逵始以同簽書樞密院事出鎮兼判渭州。

詔禮部三歲一貢舉。

十一月帝有疾十二月立子頊爲皇太子大赦。

時帝久疾韓琦人問起居因進言曰陛下久不視朝願早建儲以安社稷帝領之琦請帝親筆指麾帝乃書曰立大大王爲皇太子琦曰必賴王也煩聖躬更親書之帝又批于後曰賴王頊琦卽召學士承旨張方平至福寧殿草制帝憑几言言不可辨方平復進筆請書其名帝力疾書之。



未四年春正月帝崩太子卽位是爲神宗大赦

帝崩于福寧殿

年三十六

太子卽位赦天下常赦所不原者

尊皇太后曰太皇太后皇后曰皇太后

以韓琦爲司空兼侍中

二月立皇后向氏

后太尉敏中之曾孫定國留後經之女帝爲潁王時納焉至是冊爲后

始命公主行見舅姑禮

英宗嘗謂帝曰舊制帝女出降輒皆升行以避舅姑之尊義甚無謂朕嘗思此寤寐不平豈可以富貴之故屈人倫長幼之序也可詔有司革之會疾不果至是始詔

令公主行見舅姑禮。著爲令。

三月。歐陽修罷。

修既以議濮王典禮。爲呂誨所詆。惟蔣之奇

字穎叔。常州宜興人。

以修議爲是。及誨等斥。而修薦之奇爲御史。衆因目爲

姦邪之奇患焉。思所以自解。會修婦弟薛良孺有憾于

修。誣修以帷薄不根之謗。達于中丞彭思永。

字季常。廬陵人。思

永以告之奇。之奇卽上章劾修。修杜門請推治。帝使詰

所從來。皆辭窮。乃黜思永。知黃州。之奇監道州酒稅。修

因力求退。乃以觀文殿學士知亳州。

以吳奎叅知政事。

奎終制。以故職還朝。踰月。拜叅知政事。進治說三篇。

又嘗



言帝王所職。惟在判正邪。使君子嘗居要近。小人不得以害之。則自治矣。帝因言。堯時四凶猶在朝。奎曰。四凶雖在。不能惑堯之聰明。聖人以天下為度。未有顯過。固宜包容。但不可使居近要地耳。帝然之。

以司馬光為翰林學士。固辭不許。

光力辭。帝曰。古之君子。或學而不文。或文而不學。惟董仲舒。楊雄。兼之。卿有文學。何辭為。光對曰。臣不能為四六。帝曰。如兩漢制誥可也。且卿能進士取高第。而云不能四六。何邪。光乃就職。

閏月。以王安石知江寧府。

終英宗之世。安石被召未嘗起。

安石本楚士。未知名于中朝。以韓呂二族為巨

室。欲藉以取重。乃深與韓絳及其弟維。呂公著交。二人更稱揚之。帝在穎邸。維為記室。每講說見稱。輒曰。此非維之說。維友王安石之說也。維遷庶子。又薦安石自代。帝由是想見其人。及帝即位。召之。安

石不至。帝謂輔臣曰。安石歷先帝朝。召不赴。頗以爲不恭。今又不至。果病邪。有所要邪。曾公亮曰。安石真輔相材。必不欺罔。吳奎曰。臣嘗與安石同領羣牧。見其護非自用。所爲迂濶。萬一用之。必紊綱紀。帝不聽。命知江寧府。衆謂安石必辭。及詔至。卽起視事。

夏四月。以司馬光爲御史中丞。

中丞王陶。謀欲易置大臣。自規重位。因劾韓琦不押文德殿常朝班。爲跋扈。琦閉門待罪。吳奎以陶言爲過。詔陶與光兩易其任。奎又言。唐德宗疑大臣。信任羣小。斥陸贄。而以裴延齡等爲腹心。至今稱爲至闇之主。今陶排抑端良。不黜。無以責大臣。展布。陶遂言。奎附宰相。欺



天子。帝以陶過毀大臣。出知陳州。

陶始受知于琦。驟加獎拔。及以論琦出。人

謂其反覆。帝亦薄其爲人。不復用。

而奎亦謚調外州。光言。陶論宰相不

押班。未行而罷。則中丞不可復爲。請俟琦押班。然後就職。復言。吳奎名望素重于陶。今與並黜。恐大臣皆不自安。各求引去。陛下新卽位。于四方觀聽非宜。帝從之。奎乃復還中書。

秋八月葬永厚陵。

在鞏縣西南。昭陵之西。

史臣曰。英宗以明哲之姿。膺繼統之命。執心固讓。而卒踐帝位。及其臨政。每有裁決。皆出羣臣意表。雖以疾疢不克大有所爲。然使後世咏嘆至德。何其盛也。

京師地震。

九月召王安石爲翰林學士。罷司空侍中韓琦。

安石未進用時惟張方平李師中蘇洵先燭其奸此外若富弼文彥博並為延譽然不過稱其堪勝諫官侍從耳惟曾公亮因欲問韓琦汲引不遺餘力甚至稱為宰輔才是安石大用公亮欣助之力尤多厥後更張庶事公亮又一切陰贊之故安石於富弼歐陽修詆諆殆遍獨於公亮子孝寬引置政地以報私恩則其朋比為奸情事尤顯然可見排老成而進羣小公亮實為罪首矣

琦執政三朝。或言其專。帝頗不悅。曾公亮因力薦安石。覬以間琦。琦求去益力。帝不得已。以琦為鎮安武勝軍節度使。司徒兼侍中。判相州。入對。帝泣曰。侍中必欲去。今日已降制矣。然卿去。誰可屬國者。王安石何如。琦對曰。安石為翰林學士。則有餘。處輔弼之地。則不可。帝不答。琦早有盛名。識量英偉。臨事喜愠不見于色。居相位。再決大策。以安社稷。當是時。朝廷多故。琦處危疑之際。知無不為。或曰。公所為誠善。萬一蹉跌。豈惟身不自保。恐家無所處矣。琦嘆曰。是何言邪。人臣當盡力事君。死生以之。至于成敗。天也。豈可豫憂其不濟。遂輟不為哉。聞者愧服。

吳奎。陳升之。

即陳旭。罷。注見前。

韓琦既罷。奎出知青州。明年卒。

奎喜獎善。少甚貧。既貴。買田為義莊。以賜族黨。

沒之日。諸子至無屋以居。



以呂公弼爲樞密使。張方平、趙抃、叅知政事韓絳、邵亢爲樞密副使。

抃自知成都召知諫院。故事近臣召自外州將大用者必更省府。及命下大臣以爲疑。帝曰吾賴其言耳。苟欲用之無傷也。及入謝。帝曰聞卿匹馬入蜀以一琴一鶴自隨爲治簡易亦稱是乎。遂拜參知政事。抃感顧知遇。朝政有未協者必密啟聞。帝嘉其忠恒褒答之。亢前與王陶此

詆吳奎以撼韓琦。琦奎旣去。亢遂由樞密直學士進副使。

復以司馬光爲翰林學士。冬十月張方平罷。

光論張方平不協物望難居政府。帝不從。命徙光翰林知通進銀臺司。呂公著封還除目曰。光以舉職賜罷。是

爲有言責者。不得盡其言也。詔以告直付閣門。公著又言。制命不由門下。則封駁之職。因臣而廢。願正臣罪。乞解銀臺司。不報。未幾。方平以父喪亦罷。

青澗守將种諤。

字子正。世衡子。

襲虜夏監軍威名山。遂復綏州。

威名山部落在故綏州。名山弟夷山。請降于知青澗城种諤。諤使人因夷山。以誘名山。賂以金盃。名山小吏李文喜受之。陰許歸款。而名山未之知也。諤卽以聞。且欲因取河南地。知延州陸誼言。以衆來降。情僞未可知。戒諤毋妄動。諤持之力。詔誼召諤問狀。且與轉運使薛向字師正。京兆長安人。議撫納。乃共畫三策。令幕府張穆之入奏。穆之因受向指。詭言必可成。帝意誼不協力。從之。秦鳳諤



不待命。悉起所部兵。長驅而進。圍名山。帳名山不得已。舉衆從諤。而南得首領三百。戶萬三千。兵萬人。遂城其地。夏人來爭。諤擊敗之。誅劾諤擅興之罪。欲捕治之。未果。而徙秦之命至。西方用兵自此始。

十一月。夏人誘殺知保安軍楊定等。詔韓琦經畧陝西。竄种諤于隨州。

种諤既受威名。山降。夏主諒祚。乃詐爲會議。誘知保安軍楊定等殺之。邊釁復起。朝議以諤生事。欲棄綏誅諤。

會郭達由鄆川徙鎮鄜延。用其屬趙卨。

字公才。邛州依政人。

言上

疏以爲虜既殺王官。而又棄綏不守。示弱已甚。且名山舉族來歸。當何以處。又移書執政。請存綏以張兵勢。規

度大理河川

即大力川。在綏德州西北。源出榆林。下流入無望河。建堡畫稼穡之

地三十里。以處降者。

考此疏及書續綱目通鑑俱作趙

達屬吏謀出嵩而主之者達也。今依宋史改輯。

乃命韓琦判永興軍。經畧陝西。

琦初言綏不當取。及定等被殺。復言綏不可棄。樞密以

初議詰之。琦具論其故。卒存綏州。時言者交論种諤。乃

下吏貶其官。安置隨州。

十二月。夏主諒祚卒。子秉常立。

郭逵訶得殺楊定等首領姓名。為李崇貴韓道善諒祚

乃錮崇貴等以獻。既而諒祚卒。子秉常立。遣其臣薛宗

道等來告哀。帝問殺楊定事。宗道言殺人者已執送之

矣。初。定奉使諒祚。嘗拜稱臣。且許以歸沿邊熟戶。諒祚

种諤受降襲取綏州誠不免輕舉楊定初時奉使西夏下拜稱臣尤有當誅之罪然綏城既復尺寸皆國家壤地豈宜輕議棄捐而賊人戕殺王官又豈可以其禍由自取不加征討韓琦所言自是正理且時勢既異更不必前後相符樞密必執初議以相詰亦不達事體之甚矣



威寬厥愛已不免偏重然  
宋世積久姑息果能振作  
有為未嘗非張弛之道至  
以理財為急務致小人得

神宗皇帝

熙寧元年春正月甲戌朔日食

遺之寶劍寶鑑及金銀物定歸時以劍鑑上而匿其金  
銀且言諒祚可刺帝喜遂擢知保安軍既而夏人失綏  
州以為定賣已故殺之至是崇貴等至具言其事帝薄  
責崇貴等而削宗官沒其田宅萬計遣劉航魏人冊秉常  
為夏國主遼遣使冊為夏國王諒祚之世嘗請去蕃禮從漢儀服中國衣冠往  
冊以漢官命其臣且數上表求九經唐史  
冊府元龜正旦朝賀儀仁宗以九經賜之

帝不受朝詔宰臣極言闕失帝嘗謂文彥博曰天下敝  
事至多不可不革彥博對曰譬如琴瑟不調必更張之  
韓絳曰為政立事當有大小先後之序帝曰大抵威克

嶺其隙而中之安石之病  
民神宗不得辭其咎也

廩愛乃能有濟。又謂彥博曰。當今理財最爲急務。養兵  
備邊。府庫不可不豐。大臣共宜留意節用。

趙槩罷。

槩秉心和平。與人無怨惡。在官如不能言。然陰以利物  
者爲多。時議比之劉寬。婁師德以老求罷。知徐州。

以唐介參知政事。

先是宰相省闕。所進文書。子待漏院同列。不得聞。介謂  
曾公亮曰。身在政府。而事不預知。上或有所問。何辭以  
對。乃與同視。後遂爲常。

夏四月。詔王安石越次入對。

安石受命。歷七月。始至京師。詔越次入對。帝問爲治所

安石以致君養民爲目。而  
其所設施。卽阜成兆民實



政尙未能體而行之惟假  
誅姦四凶一言爲日後貶  
斥舊臣張本豈中央治  
能務未遑而汲汲以放逐  
讒慝爲能事乎且所行新  
法變易舊章朝更夕改條  
例參如與所立至簡至要  
至易者亦已自相矛盾而  
其傳會同禮徒襲其跡而  
不得其精意與新莽之泥  
古亂政同爲周官罪人乃  
欲比於皋夔稷契之列多  
見其不知量也

先安石對曰擇術爲先帝曰唐太宗何如曰陛下當法  
堯舜何以太宗爲哉堯舜之道至簡而不煩至要而不  
迂至易而不難但末世學者不能通知以爲高不可及  
耳帝曰卿可謂資難于君一日講席羣臣退帝留安石  
坐因言唐太宗必得魏徵漢  
昭烈必得諸葛亮然後可以有爲二子誠不世出之人  
也安石曰陛下誠能爲堯舜則必有皋夔稷契誠能爲  
高宗則必有傅說彼二子者何足道哉以天下之大常  
患無人可以助治者以陛下擇術未明推誠未至雖有  
皋夔稷契傅說之賢亦將爲小人所蔽卷懷而去耳帝  
曰何世無小人雖堯舜之時不能無四凶安石曰惟能  
辨四凶而誅之此其所以爲堯舜也若使四凶得肆  
其讒慝則皋夔稷契亦安肯苟食其祿以終身乎  
秋七月以陳升之知樞密院事

升之前與文彥博同爭楊定不可使上不聽定旣被殺  
上思其言于是復召用之

京師地震

自七月至十一月。京師地震者六。河朔地亦大震。

八月。復行崇天歷。

以月食不效。詔歷官雜候星晷。重造新歷。至是上之。占驗亦差。遂復行崇天歷。削奪司天少監周琮等一官。

九月初。封太祖曾孫從式。

秦王德芳孫。

爲安定郡王。

帝謂創業垂統。實自太祖。顧無以稱。乃下詔。封太祖諸孫行尊者一人。奉太祖祀。世世勿絕。同知太常禮院劉

攽

字貢父。新喻人。

言。禮諸侯不得祖天子。太祖傳天下于太宗。

繼體之君。皆太祖子孫。不當別爲天子。置後。若崇德昭德芳之後。世世勿降爵。宗廟祭祀。使之在位。則所以褒



揚藝祖者著矣帝從之遂有是命

冬十一月郊

南郊行賞沿唐以來陋習  
歷數前無當於禮自宜停  
罷安石固執不從已爲偏  
見至云善理財者不加賦  
而國用足其說尤誕試問  
所行青苗募役諸法何事  
不取之於民又與加賦何  
異神宗心知其非而復任  
安石草制惑亦甚矣

執政以河朔旱傷國用不足乞南郊勿賜金帛詔學士  
議司馬光曰救災節用當自貴近始可聽也王安石曰  
常袞辭堂饌時以爲袞自知不能當辭職不當辭祿且  
國用不足以未得善理財者故也光曰善理財者不過  
頭會箕斂漢書注以人頭數出穀以箕斂之爾安石曰不然善理財者  
不加賦而國用足光曰天下安有此理天地所生財貨  
百物不在民則在官彼設法奪民其害乃甚于加賦此  
蓋桑弘羊欺武帝之言太史公書之以見其不明耳爭  
議不已帝曰朕意與光同然姑以不允答之會安石草

制引常袞事責兩府。兩府不敢復辭。

己酉二年春二月。以富弼同平章事。王安石參知政事。

初。弼自汝州入覲。詔許肩輿至殿門。令其子掖以進。且命母拜。坐語從容。訪以治道。弼知帝果于有為。對曰。人君好惡。不可令人窺測。可測則姦人得以傳會。當如天之監人。善惡皆所自取。然後誅賞隨之。則功罪皆得其實矣。又問邊事。弼對曰。陛下臨御未久。當布德惠。願二十年口不言兵。帝默然留之。力辭赴郡。至是召拜司空兼侍中。賜甲第。悉辭之。乃詔以左僕射同平章事。時帝以災變避殿。減膳撤樂。王安石言災異皆天數。非關人事。得失所致。弼在道聞之。嘆曰。人君所畏者天耳。若不畏天。何事不可為者。此必姦人欲進邪說。以搖上心。使輔弼諫諍之臣。無所施其力。是治亂之機。不可以不速救。即



上書數千言。力論之。及入對。又曰。君子小人之進退。繫王道之消長。願深加辨察。勿以同異爲喜怒。喜怒爲用舍。陛下好使人同。察外事。故姦險得志。又今中外之務。漸有更張。此必小人獻說于陛下也。大抵小人惟喜動作生事。則其間有所希覬。若朝廷守靜。則事有常法。小人何望哉。願深燭其然。無使有悔。帝欲用安石。唐介言。安石難大任。帝曰。文學不可任邪。經術不可任邪。吏事不可任邪。介對曰。安石好學而泥古。故議論迂闊。若使爲政。必多所更變。介退。謂曾公亮曰。安石果大用。天下必困擾。諸公當自知之。帝問侍讀孫固。字和甫。管城人。曰。安石可相否。固對曰。安石文行甚高。處侍從。獻納之職可矣。宰相自有度。安石狷狹少容。必欲求賢相。呂公著。司馬光。韓維。其人也。帝不以爲然。竟以安石參知政事。帝謂安石曰。人皆以卿但知經術。不曉世務。安石對曰。經術正所以經世務。帝曰。然則卿設施以何

爲先。安石對曰。變風俗。立法度。正方今之所急也。帝深納之。

創制置三司條例司。議行新法。命陳升之。王安石領其事。王安石言。周置泉府之官。以權制兼併。均濟貧乏。變通天下之財。後世惟桑弘羊。劉晏。粗合此意。學者不能推明先王法意。更以爲人主不當與民爭利。今欲理財。則當修泉府之法。以收利權。帝納其說。安石猶恐帝不能決意任之。乃復言。人才難得。亦難知。今使十人理財。其中容有一二敗事。則異論乘之而起。堯與羣臣共擇一人治水。尙不能無敗事。况所擇而使非一人。豈能無失。要當計利害多少。不爲異論所惑。帝曰。有一人敗事。而遂廢所圖。此所以少成事也。乃立制置三司條例司。掌



經畫邦計。議變舊法。以通天下之利。命升之。安石領其

事。初。呂惠卿

字吉甫。泉州晉江人。

自真州

宋置。今揚州府儀徵縣是。

推官秩滿

入都。與安石論經義。意多合。遂定交。因言于帝曰。惠卿

之賢。雖前世儒者。未易比也。學先王之道而能用者。獨

惠卿而已。遂以惠卿及蘇轍並為檢詳文字。事無大小。

安石必與惠卿謀之。凡所建請章奏。皆惠卿筆也。又以

章惇

字子厚。浦城人。

為三司條例司。曾布

字子宣。鞏之弟。

檢正中書五

房。凡有奏請。朝臣以為不便者。布必上疏條析。以堅帝

意。使專任安石。以威脇眾。俾毋敢言。由是安石信任布。

亞于惠卿。而農田水利。青苗。均輸。保甲。免役。市易。保馬。

方田。諸役。相繼並興。號為新法。頒行天下。安石與劉恕

史策所紀宰臣北人南人皆互有賢否豈獨一王安石古稱立賢無方顧所以用之耳至地氣北南遷移謂有關治亂尤不足信果如所云未聞邳治之世南方皆堅冰沍寒也蓋地氣視人氣之盛衰是時洛陽生聚蕃滋人氣極盛故地氣因之而變花木禽鳥亦隨地而異即如深山窮谷氣每生寒通邑大都候常多燠此可為徵矣若夫禽鳥得氣之先不過如鳩鵲呼鳴預占來日晴雨安能於數年之久明示前知乎

字道原。友善。欲引置三司條例。恕以不習金穀為辭。且筠州人。

曰。天子方屬公以大政。宜恢張堯舜之道。以佐明主。不

應以利為先。安石遂與之絕。先是治平中。邵雍與客散

然不樂。客問其故。雍曰。洛陽舊無杜鵑。今始至。天下將

治。地氣自北而南。將亂。自南而北。今南方地氣至矣。禽

鳥飛類。得氣之先者也。不數年。當有南七作相。多引南

人。專務變更。天下自此多事也。至是。雍言果驗云。天

津橋。在河南府

洛陽縣城外。

夏四月。旱。續綱目。宋元通鑑。于是月。書河決。地震。考宋史

決。然在七月後。非四月也。又按。地震應書在某地。神宗紀

及五行志。皆不載。是年四月。有地震之事。惟滕元發傳言

京師地震。元發上疏言事。又河北地震。命元發為安撫

使。還知開封府。傳雖不明著某月。然本書上年七月。有京

師地震一條。下文有罷知開封府。滕元發一條。則二書所

載。河決二字。必河北之訛也。附辨于此。滕元發。本名甫。

字達道。

東陽



究精於術數或假杜鵬以  
寓言然術雖精而理實乖  
矣

參知政事唐介卒。諡貞肅。

介簡伉敢言居政府數與王安石爭辯而安石彊解帝主其說介不勝其憤遂疽發背而卒。

以薛向爲浙江荆淮發運使。

初仁宗時范祥制置解鹽。事具前。公私便之祥卒以向繼

領向請兼以鹽易馬王安石時領羣牧主其說請久任

向至治平末向坐與种諤開邊始罷去會淮南轉運使

張靖言向壞鹽法且有欺隱帝召向與靖對錢公輔。字君

倚武進人。范純仁皆言向罪安石排羣議抵靖于法以向代

之。已而向請置賣鹽場于永興軍官自鬻之罷通商法。

罷知開封府滕元發。

滕元發此言簡而中理勝  
歐陽修朋黨論遠矣

元發以翰林學士知開封府。在帝前論事如家人父子。言無文飾。洞見肝膈。帝知其誠。盡事無巨細。人無親疏。輒問之。元發隨事解答。不少嫌隱。王安石嘗與元發同考試。語言不相能。深惡元發。會議新法。恐元發言而帝信之。因極力排元發。出知鄆州。初元發同修起居注。帝召問治亂之道。對曰。治亂之道。如黑白東西。所以變色易位者。朋黨汨之也。帝曰。卿知君子小人之黨乎。曰。君子無黨。譬之草木。綢繆相附者。必蔓草。非松柏也。朝廷無朋黨。雖中主可以濟。不然。雖上聖亦殆。帝以爲名言。

遣使察農田水利賦役于天下。

從三司條例司之請。遣劉彝。

字執中。福州人。

謝卿材。侯叔獻。程

顥。盧秉。

字仲甫。德清人。

王汝翼。曾伉。王廣廉。

大名

八人行諸路。

相度農田水利稅賦科率徭役利害。

已而頒農田水利約束。由是進計者



紛然數年間諸路凡得廢田萬七百九十三處。三  
十六萬一千一百七十八頃有奇而民給役勞擾。

五月罷翰林學士鄭獬。

字毅夫安陸人。

宣徽北院使王拱辰知制

誥錢公輔。

獬權開封府斷謀殺獄不依新法。

事見後。

拱辰與王安石

議新法不合公輔言滕元發不宜去薛向變法當黜安

石惡之出獬知杭州拱辰判應天府公輔知江寧府。

御史

中丞呂誨上疏言三人者無罪被黜甚非公議上出奏示執政安石曰此三人者出臣但愧不能盡理論情暴其罪狀使小人知有所憚不意言者乃更如此。

六月罷御史中丞呂誨。

王安石既執政士大夫多以爲得人呂誨獨不以爲然。

上疏言大姦似忠大詐似信安石外示朴野中藏巧詐。

驕蹇慢上。陰賊害物。誠恐陛下說其才辯。久而倚毘。亂  
由是生。臣究安石本無遠畧。惟務改作。立異于人。文言  
飾非。罔上欺下。誤天下蒼生。必斯人也。疏奏。帝方眷注  
安石。還其章疏。誨遂求去。乃出誨知鄧州。先是誨將對  
學士司馬光  
亦將詰經筵。相遇並行。光密問今日所言何事。誨曰。袖  
中彈文。乃新參也。光愕然曰。衆喜得人。奈何論之。誨曰。  
君實亦爲是言邪。安石雖有時名。然好執偏見。輕信姦  
回。喜人佞已。聽其言則美。施于用則疎。置諸宰輔。天下  
必受其禍。及誨斥。安石益橫。光由  
是服誨之先見。自以爲不及也。

秋七月乙丑朔日食。

行均輸法。

條例司言。諸路上供。歲有常數。年豐可以多致。而不能  
贏餘。年歉難于供億。而不敢不足。遠方有倍蓰之輸。中



都有半價之鬻。徒使富商大賈乘公私之急以擅輕重。斂散之權。今浙江荆淮發運使實總六路賦入。宜假以錢貨資其用度。凡上供之物皆得從貴就賤。因近易遠。預知在京倉庫所當辦者。得以便宜蓄買。而制其有無。庶幾國用可足。民財不匱。詔以發運使薛向領均輸平準。專行于六路。賜內藏錢五百萬緡。上供米三百萬石。時議者多言非便。劉琦字公玉。宣城人。錢顗字安道。無錫人。蘇軾先後論列。皆坐貶。向復請設置官屬從之。權開封推官。蘇軾言。今先設官置吏。等書廩祿。為費已厚。非良不售。非賄不行。是官買之價。比民必貴。及其賣也。弊復如前。此錢一出。恐不可復縱。使其間薄有所獲。而征商之額所損必多矣。帝方惑于安石。不納其言。然均輸法亦迄不能就。蘇軾續綱目作蘇轍。今依宋史食貨志及軾本傳改。

城郭甲兵糧儲三者皆邊防要務惟恐苟且塞責有虛名而無實濟所係匪淺若以粗備為已足久之將并其粗者而忽之豈除戎器械不虞之意耶純仁特因種諤輕啟兵端故為此論未免矯枉過正至以延見疎逃小臣為非尤不當事理人君勤求治理廣咨博訪正可收兼聽並觀之益惟在採擇而權衡之以裨實政耳况君子小人之分存乎心術豈係地之遠近位之大小若如純仁言則大舜之好察邇言先民

八月罷判國子監范純仁。

初純仁自陝西轉運副使召還

帝問陝西城郭甲兵糧儲如何對曰城郭粗全

甲兵粗修糧儲粗備帝愕然曰卿之才朕所倚信何為皆言粗對曰如是足矣願陛下且無留意邊功若邊臣觀望將貽他拜起居舍人同知諫院純仁奏言王安石

變祖宗法度措克財利民心不寧書曰怨豈在明不見

是圖願陛下圖不見之怨帝曰何謂不見之怨對曰杜

牧所謂不敢言而敢怒者是也

時帝切于求治多延見疎逃小臣容訪闕失純

仁言小人之言聽之若可采行之必有累蓋知小忘大貪近昧遠願加深察及薛向行均輸法于六路純仁言

臣嘗親奉德音欲修先王補助之政今乃使小人陪克生靈斂怨基禍安石以富國彊兵之術故迫上心欲求

近功忘其舊學鄙老臣為因循葉公論為流俗異已者為不肖合意者為賢人在廷之臣方大半趨附陛下又

從而驅之其將何所不至道遠者理當馴致事大者不可速成人才不可急求積弊不可頓革儻欲事功急就



之謂子也。安石何以稱焉。  
是時安石之徒。雖  
其言論。而亦計及進言者  
之或有一得。亦何異德義  
吹鑿之見耶。

必爲檢校所飛。宜速還言者。而退  
安石。留章不下。純仁求去。不許。  
未幾罷諫職。改判國  
子監。純仁求去。愈力。安石使諭之曰。已議除知制誥矣。  
純仁曰。是以利誅我也。言不用。萬鍾何加焉。遂錄所上  
章申中書。安石大怒。乞加重貶。帝曰。宜與一善地。命知  
河中府。尋徙成都轉運使。以新法不便。戒州縣未得遽  
行。安石怒其沮格。以事左遷知和州。

以程顥權監察御史裏行。

初。顥舉進士。再調晉城。

唐縣。今日鳳臺。爲山西澤州府治。

令民以事至

縣者。必告以孝弟忠信。度鄉村遠近。爲伍保。使之力役  
相助。患難相恤。凡孤癯殘廢。行旅疾病。皆有所養。鄉必  
有校。暇時親至。召父老與之語。兒童所讀書。親爲正句。

讀鄉民爲社會爲立科條旌其善惡在縣三年民愛之如父母用薦改著作佐郎至是呂公著薦爲御史帝素知其名數召見每退必曰頻求對欲常見卿一日從容容訪報正午始趨出庭中入曰御史不知上未食乎顯前後進說甚多大要以正心室欲求言育才爲言務以誠意感悟人主嘗勸帝防未然之欲及勿輕天下事帝俯躬曰當爲卿戒之

定謀殺傷首原法貶判刑部劉述

字孝叔湖州人等六人

初知登州許遵

字仲塗泗州人

上州獄有婦謀殺夫傷而未死

婦人阿云許嫁未行嫌壻陋伺其寢田舍懷刀斫之不死斷一指而去及按問遂自承法因犯殺傷而自首者得免所因之罪請從減論帝命司

婦謀殺夫悖惡極矣傷雖未死而謀則已行豈可因幸而獲生以這其殺夫之罪又豈可以按問即服遂開以自首之條許遵率請



末減已為廢法卽科以故  
出而罷之亦不為過劉述  
身為刑官執之誠是安石  
乃祖遺而詆述且定謀殺  
首原之令不特免婦因曲  
宥以漏網非所以飭倫且  
使奸徒有所恃而輕犯尤  
不足以止僻安石偏執妄  
行不復知有明罰勅法公  
議而貶逐正人尤逞其無  
忌憚之心小人肆毒乃至  
是哉

馬光與王安石議安石以導言為是光謂因他罪致殺  
傷者他罪得首原豈可以謀與殺分為兩事而謂謀為  
所因得以首原乎帝意方嚮安石而文彥博富弼等多  
主光議踰年不決至是詔從安石議凡謀殺已傷按問  
自首者減罪二等著為令侍御史知雜事兼判刑部劉  
述封還詔執奏不已安石白帝詔開封府推官王克臣  
字子難劾述罪述遂率侍御史劉琦錢顗共上疏論安  
石畧曰安石執政以來未踰數月操管商權詐之術與  
陳升之合謀侵三司利權開局設官分行天下驚駭  
物聽去年因許遵妄議按問自首之法安石任偏見而  
立新議陛下不察而從之遂害天下大公先朝所立制  
度自宜世守勿失乃事更張廢而不用姦詐專權之人  
豈宜處之廟堂以亂國紀願早罷逐以慰天下曾公亮  
畏避安石陰自結援以固寵趙抃疏上安石奏貶琦監  
則括囊拱手但務依違皆宜斥免

處州鹽酒務。顓監衢州鹽稅。殿中侍御史孫昌齡始以附安石得進。顓將出臺。罵昌齡而去。于是昌齡亦言王克臣阿奉當權。致蔽聰明。遂黜昌齡。通判蘄州。安石欲置述于獄。司馬光范純仁爭之。乃貶知江州。同判刑部。丁諷。審刑院詳議官王師元皆以附述忤安石。諷貶通判復州。師元貶監安州稅。龍圖閣學士祖無擇先與安石同知制誥。或饋安石潤筆物。辭不獲。取置院梁上。安石憂去。無擇用爲公費。安石聞而惡之。及得政。乃諷監司求無擇罪。會御史王子韶使兩浙。按知明州苗振貪狀。子韶迎安石意。遂連無擇。逮赴秀州獄。巧抵無所得。詎以他事謫之。無擇言語政事爲時名卿。被誣放棄。士論惜焉。王子韶字聖美。太原人。明州唐置。今浙江寧波府是。秀州五季吳越置。今浙江嘉興府是。

罷條例司。檢詳文字蘇轍。



轍與呂惠卿論多不合。會遣人使于四方求遺利。轍以書抵王安石。力陳其不可。安石怒。將加之罪。陳升之止之。乃以爲河南府推官。

九月行青苗法。

初。陝西轉運使李參。

字清臣。蜀州須城人。

以部內多戍兵。而糧儲

不足。令民自隱度麥粟之贏。先貸以錢。俟穀熟還官。號青苗錢。經數年。廩有餘糧。至是。條例司請以諸路常平廣惠倉錢穀。依陝西青苗錢例。民願豫借者給之。令出息二分。隨夏秋稅輸納。願輸錢者從其便。如遇災傷。許展至豐熟日納。非惟足以待凶年之患。民既受貸。則兼并之家。不得乘新陳不接。以邀倍息。又常平廣惠之物。

收藏積滯。必待年儉物貴。然後出糶。所及者不過城市游手之人。今通一路有無。貴發賤斂。以廣蓄積。平物價。使農人有以赴時趨事。是亦先王散惠興利。以爲耕斂補助之意也。欲量諸路錢穀多寡。分遣官提舉。每州選通判幕職官一員。典幹轉移出納。仍先自河北京東淮南三路施行。俟有緒。推之諸路。詔曰可。乃出內庫緡錢百萬。糶河北常平粟。而常平廣惠倉之法。遂變爲青苗矣。先是王安石既與呂惠卿議定。出示蘇轍等曰。此青苗法也。有不便以告。勿疑。轍曰。以錢貸民。本以救民。然出納之際。吏緣爲姦。雖有法不能禁。錢入民手。雖良民不免妄用。及其納錢。雖富民不免踰限。如此恐鞭箠必用。州縣之事煩矣。安石曰。君言誠有理。當徐思之。由是逾月不言青苗。會京東轉運使王廣淵言。春農事興而民苦乏。兼并之家得以乘急要利。乞留本道錢帛五十萬貸之貧民。歲可獲息二十五萬。從之。其事與青苗



法合。安石始以為可用。召廣淵至京師與之議。于是決意行焉。王廣淵字才叔。大名人也。

以呂惠卿為崇政殿說書。

王安石薦惠卿為太子中允。崇政殿說書。司馬光諫曰。惠卿儉巧非佳士。使王安石負謗于中外者。皆其所為。安石賢而懷不閑世務。惠卿為之謀主。而安石力行之。故天下並指為姦邪。近者進擢不次。不厭衆心。帝曰。惠卿進對明辯。亦似美才。光對曰。惠卿誠文學辯捷。然用心不正。願陛下徐察之。江充李訓若無才。何以動人主。帝默然。帝嘗御邇英閣聽講。光讀曹參代蕭何。帝曰。漢三代之君。守禹湯文武之法。不變可乎。光對曰。寧獨漢也。使帝約束紛更之。盜賊半天下。元帝改孝宣之政。漢業遂衰。由此言之。祖宗之法。不可變也。惠卿言先王之法。有一年一變者。正月始和布法象魏。是也有五年一變者。

巡狩考制度是也。有三十年一變者。刑罰世輕世重是也。光言非是。帝問光。光對曰。布法象魏。布舊法也。諸侯變禮易樂者。王巡狩則誅之。不自變也。刑新國用輕典。亂國用重典。是爲世輕世重。非變也。且治天下譬如居室。敝則修之。非大壞不更造也。公卿侍從皆在此。願陛下問之。三司使掌天下財。不才而黜之可也。不可使執政侵其事。今爲制置三司條例司。何也。宰相以道德佐人主。安用例。苟用例。則胥吏矣。今爲看詳中書條例司。何也。惠卿辭塞。乃以他語抵光。帝曰。相與語是非耳。何至是。光又言青苗之弊。曰。平民舉錢出息。尚能蠶食下戶。至饑寒流離。况縣官督責之威乎。惠卿曰。青苗法願則與。不願不彊也。光曰。愚民知取債之利。不知還債之害。非獨縣官不彊。富民亦不彊也。太宗平河東。立糴法。時斗米十錢。民樂與官爲市。其後物貴而和糴不解。遂爲河東世患。臣恐異日之青苗。亦猶是也。帝曰。陝西行之久。民不爲病。光曰。臣陝西人也。見其病。不見其利。朝廷初不許。有司尙能以病民。况法許之乎。他日又對。帝曰。今天下洵洵者。孫叔敖所謂國之有是衆之所惡也。光曰。陛下當論其是非。今條例司所爲。獨安石韓絳惠卿以爲是耳。陛下豈能獨與此三人共爲天下邪。

冬十月富弼罷。



王安石用事。雅不與弼合。弼度不能爭。稱疾求退。章數  
十上。帝曰。卿卽去。誰可代卿者。弼薦文彥博。帝默然。良  
久曰。王安石何如。弼亦默然。遂出判亳州。弼恭儉孝敬。好善嫉惡。常  
言。君子與小人並處。其勢必不勝。君子不勝。則奉身而  
退。樂道無悶。小人不勝。則交結搆扇。千岐萬轍。必勝而  
後已。迨其得志。遂肆毒于良  
善。求天下不亂。不可得也。

### 以陳升之同平章事。

升之旣相。帝問司馬光曰。近相升之。外議何云。對曰。閩  
人狡險。楚人輕易。今二相皆閩人。二參政皆楚人。必將  
援引鄉黨之士。充塞朝廷。風俗何以更得淳厚。帝曰。升  
之有才智。曉民政。光曰。但不能臨大節。不可奪耳。凡才  
智之士。必得忠直之人。從旁制之。此明主用人之法也。

帝又曰。王安石何如。對曰。人言安石姦邪。則毀之太過。但不曉事。又執拗耳。

城綏州。

先是。夏人寇秦州。

殺守將范愿。死者不可勝計。

既而秉常復上誓表。

請納安遠塞門。二砦。以乞綏州。詔將許之。鄜延宣撫郭

達上言曰。此商於六百里之策也。非先交二砦。不可許。

朝議以爲然。賜以誓詔。秉常遣旺孟克。

舊作罔萌訛。今改。

來言。

欲先得綏。達命趙嵩等如夏。交所納二砦。且定地界。旺

孟克對曰。朝廷本欲得二砦。地界非所約。嵩曰。然則塞

門。安遠。二墻墟耳。安用之。二砦之北。舊有三十六堡。且

以長城嶺。

亦曰長城門。橫山之麓也。又曰青嶺。在榆林府廢夏州西南。

爲界。西平王



祥符所移書固在也。旺孟克語塞。尚以夏人渝盟。請城綏州。不以易二砦。從之。改名綏德城。

十一月。命韓絳制置三司條例。

初。陳升之欲傅會王安石以固其位。安石亦患正論盈廷。引升之爲助。升之知其不可。而竭力爲之用。安石德之。故先使正相位。升之旣相。乃時爲小異。陽若不與之同者。由是二人遂判。安石乃薦絳共事。安石每奏事。絳必曰。臣見安石所陳非一。皆至當可用。陛下宜省察。安石恃以爲助。

置諸路提舉官。

條例司上言。民間多願借貸青苗錢。乞遍下諸路轉運

使施行。仍詔諸路各置提舉二員。管當一員。掌行青苗。

免役農田水利諸路凡四十一人。

提舉官既置。往往迎合王安石意。務以多

散爲功。富民不願取。貧者乃欲得之。卽令隨戶等高下品配。又令貧富相兼。十人爲保首。王廣淵在京東。一等戶給十五千。等而下之。至五等猶給一千。民間喧然以爲不便。廣淵入奏。謂民皆歡呼感德。諫官李常。御史程顥。論廣淵抑配培克。迎朝廷旨意。以困百姓。會河北轉運使劉庠。不散青苗錢。奏適至。安石曰。廣淵力主新法。而遭劾。劉庠欲壞新法。而不問。舉事如此。安得人無向背。由是常。顥之言皆不行。李常字公擇。南康軍建昌人。劉庠字希道。彭城人。

增置宮觀官。

帝以監司郡守有老不任職者。則與閑局。王安石亦欲以處異議者。遂增置三京留司御史臺。國子監及諸州宮觀官使。不限員。



以張載爲崇文院校書尋辭歸

載少喜談兵至欲結客取洮西之地年二十以書謁范仲淹仲淹謂之曰儒者自有名教可樂何事于兵因勸之讀中庸載讀其書猶以爲未足又訪諸釋老累年究極其說知無所得反而求之六經與程顥程頤字正叔頤之弟

論道學之要渙然自信曰吾道自足何事旁求于是盡

棄異學淳如也舉進士調雲巖

後魏縣宋熙寧後廢故城在今延安府宜川縣

令以敦本善俗爲先帝初卽位思得才哲之士呂公著

薦載有古學召見問治道載對曰爲政不法三代者終

苟道也帝悅以爲崇文校書已而移疾屏居南山下

是先

明州苗振獄起令載往按程顥疏言治獄可試諸能吏非所以盡儒者之事業王安石曰淑問如臯陶猶獻囚



此何傷。竟命之往。比還乃辭歸。



